



INSAIT

bemobile

Painim Bal Resis!!

Winim K100 na Bemobile Gift beg insait!!

Lukim nupela

STORI WANTAIM WANTOK pes 20

Australia Polis mas lukaut! - Wenge. P3

Insait..



CATHOLIC REPORTER
OKTOBA 2009 iSU

Putim was long Bikpela kala Saplimen bilong



"Bogenvil bihain long 21 yia..."
Neks Wik!!

Namba bilong pipel givim hevi nau

...Se Paulias tok PNG mas redi

Paul Zuvani i raitim

NAMBA bilong ol pipel long kantri i wok long groa hariap tumas, na dispela i wok long kamapim ol bikpela hevi long graun na kaikai.

Gavana Jeneral, Gren Sif Se Paulias Matane, i tok dispela hevi em PNG i mas luksave long en na redi gut long lukautim ol lain pipel bilong em long bihain taim.

Em i tok bikpela taim bilong traime i stap klostu nau na Papua Niugini i mas redi.

Em i mas plen na redi long lukautim ol manmeri i stap nau na ol lain husat bai kam bihain.

Na em i mas plen long hamas manmeri bai mas kamap.

Hevi i no stap longwe bipo long PNG i bungim, Gavana Jeneral Se Paulias Matane i tok long taim nius bilong sampela ol liklik ples i sot long graun na kaikai bikos long hevi bilong klaimet senis.

Las wik Memba bilong Alotau, Charles Abel, i tokaut long ol manmeri long ol ailan long Milen Be i sot long graun na kaikai na ol i save go stil long ol graun na gaden bilong ol arapela lain long stap.

Sot long graun na kaikai na go stil i no bin sindaun bilong bipo, tasol nau i kamap olsem wanpela pasin bilong ol manmeri long sindaun gut.



REDI NAU: Gavana Jeneral Se Paulias.

Dispela em sore stori na i no gutpela nius.

Long dispela as Se Paulias laikim gavman i mas kamapim wanpela tras akaun we bai holim mani bilong lukautim ol lain manmeri husat i bungim taim nogut olsem hevi bilong sot long graun, kaikai, guria, san na ren.

"Hevi bilong kalimet senis we i lukim san i kukim ol bus graun na solwara i wok long solap na karamapim graun i no gutpela nius.

"Ol manmeri bai bungim taim nogut. Gavman i mas tingting, redi na kamapim tras akaun long lukautim ol manmeri husat i bungim kain hevi olsem," Se Paulias i tok.

Em i tok wanpela kantri we i bin inap long sapotim ol manmeri long kain taim nogut em kantri Ailen (Ireland).

Na PNG inap long sapotim ol manmeri bilong em sapos em i bihainim rot bilong Ailen.

Hevi bilong populesen gro i ples klia.

Sapos i gat plen bilong lukautim dispela ol lain manmeri i stap o nogat?

O sapos i gat plen long wanpela famili mas gat hamas pikinini?

Dispela em ol mak bilong populesen groa:

- BUS graun i sot, famili i kros na pait, famili i bruk;
- FAMILI i ronawe na nogat gutpela ples long stap;
- MANMERI i stap wantaim hangre
- LAIN benk i longpela tru long pe de (Fonde na Fraide)
- OL bas i sot na manmeri i mas wet longpela taim;
- OL maket na stua i pulap;
- OL aupesen long ol klinik na haus sik i pulap;
- OL skul i pulap, nogat inap klasrum
- WOK i sot, manmeri nogat wok;
- OL kalabus i pulap.

Long dispela as Gavman i mas plen nau long kamap bilong populesen na rot bilong lukautim ol manmeri.

Toktok longpela taim long nait nau go Bikpela moa stret!



Ringim husat i gat Digicel mobail fon insait long PNG long 11-toea tasol long wanpela minit stat long 11-kilok nait, na nau igo inap 7-kilok moning! Na tu, salim text igo long husat lain igat Digicel mobail fon long 1-toea tasol namel long 10-kilok long nait na 7-kilok long moning.

Digicel

Bikpela, Strongpela moa Network bilong PNG

Dispela promosen i kam long ol Digicel kastoma tasol. Digicel Tems na Kondisen i stap.



OCEAN BLUE TUNA

Gutpela abus tru na i no dia tumas!

OX & PALM



Sariti grup wasim klin Lae polis sel

Bustin Anzu i raitim

WANPELA liklik sariti grup long Lae i helpim long wasim na klinim gut Lae polis sel bihain long ol i harim stori olsem sik kolera i kamap long ol rumgat bilong Lae polis stesin.

Soroptomist Intanesenel bilong Lae i baim ol marasin bilong wasim na klinim sel bihian long dispela sik, na tu, wara i pas na kamap insait long polis sel. Wanpela kalabus man tu em ol i kisim em i go daun long Angau haus sik bihain long dispela sik i kamap.

Bos bilong Lae polis, Sif Suprintenden Nema Mondiai i tok sel em i no gut-pela long ol trabel man i stap insait na ol helt lain i bin pasim long mekim wok mentenens long en.

Meri husat i go pas long Soroptimis Intanesenel long Lae, Nelly Mclay i tok dispela kain helpim em ol sariti grup i save mekim long helpim ol komyuniti long daunim sampela ol hevi we i save kamap insait.

Mclay i givim wanpela rais kuka tu bilong kukim rais bilong ol kalabus man long polis stesen na sampela klos i go long Siti Misin.

Long dispela taim tu, em i givim sikspela ol narapela grup K500 long wanwan long daunim wankain hevi.

Ol dispela grup em PNG Kensa Rilif Sosaiti, Morobe Spesel Edukesen Risos Senta, Well Womens Klinik, Laip Edukesen Senta, Haus Clare na Stopim Famili Vailens.

Bos bilong Angau haus sik i tok namba bilong ol lain husat i kisim marasin bilong kolera i go antap long 104, we ol i admitim ol long haus sik. Sikspela i dai na 346 i go long haus sik long kisim marasin na helpim.

Madang makim kos long strongim ol plesmanmeri

MANI plen bilong Madang provins bai lukluk moa long pulim ol sevis i go long ol busples bilong provins long strongim na kirapim ol manmeri bilong ples.

Dispela em i namba wan as tingting bilong mani plen bilong Madang provins, Provinsel Administreta Joseph Dorpar i tokaut bihain long Provinsel Eksekutiv Kaunsil i tok oraitim long mun i go pinis.

"Bihain long 34 krismas long mipela i kisim indipendens, nogat gavman sevis i go long ol manmeri i stap

long busples. Ol i kisim taim nogut taim gavman i wok long kirapim ol wok bilong stretim ol taun tasol," Mista Dorpar i tok.

Em i tok tu olsem planti ol projek nesenel gavman i kirapim na i wok nau long Madang, i no helpim long kisim developmen i go long ol busples long Madang.

Em i tok ol sevis olsem trenspot, helt, rot na bris em i we bilong helpim ol manmeri i kirapim ol wok bisnis bilong ol yet bai ol i ken lukautim sindaun bilong ol.

Mista Dorpar i tok tu

olsem ol takis mani ol i kisim long ol bikipela projek i wok go stret long nesenel gavman, olsem na provinsel gavman i no mekim mani long helpim ol manmeri long ples.

Tasol em i tok nupela luk-save bilong Madang provinsel gavman em long sapotim ol lain wokman bilong gavman i stap long ol ples wantaim trenspot na komyunikesen, bai ol i ken wok strong long kirapim gut ol ples tu.

- *Michael Novingu i raitim*



BUNG TOKTOK: Sampela ol yut long Panguna long diskasen taim.

Ol Sentrel Bogenvil Katolik yut i wok bung wantaim

Veronica Hatutasi i raitim

OL Katolik yut insait long Sentral Bogenvil i wok bung gut wantaim long stretim ol hevi long komyuniti, na tu, kamap "self reliant" o mekim samting ol yet long helpim kamapim gut sindaun na laip bilong ol.

Taim yumi toktok long ol Katolik yut long Sentrel Bogenvil, dispela i min olsem ol yut bilong ol peris olsem long Manetai, Tunuru, Marai, Tubiana, Arawa na Panguna.

Katolik Sios long Bogenvil daiosis i lukim olsem ol sosel hevi we i bungim ol yangpela na ol komyuniti em ol i mas stretim pastaim bikos tingting, stap na sindaun bilong man i mas stret na balens long spiritual na fisikel (bodi) sait wantaim bipo Bogenvil bai lukim na amamas long kisim trupela gutpela sindaun.

Nem yut insait long Sentrel Bogenvil i gat long

em ol lain i bin stap insait long pait tasol nau ol i senisim laip na ol i go insait long Katolik yut grup wok.

Wok bilong ol Arawa Katolik yut i ron strong moa wantaim sapot bilong wanpela Katolik Non Gavman Ogenaisesen grup bilong kantri Austria long Yurop ol i kolim long Horizont 3000.

Muvmen bilong ol pikinini long Austria i givim mani sapot long mekim wok na sapotim tu voluntia etvaisa i kam stap long Arawa na helpim ol yut wantaim ol wok na program bilong ol.

Etvaisa Dete Siegert nau i wok wantaim Sentral Bogenvil Yut Tim Lida na Kodineta, Barbara Kova long kamapim gut stendet bilong wok bilong ol Katolik yut long Sentral Bogenvil.

Mista Siegert i tok dispela yut program bai helpim kamapim gut tingting, sosel, pisikal na spiritual laip bilong ol yut insait long Sentral Bogenvil long senis na kamap ol gutpela

memba bilong famili, komyuniti na long Otonomes Bogenvil Rijen (ARB). Na tu, ol i ken helpim long wok bilong kamapim bel isi long ARB.

"Em i bikipela samting long planim long ol yangpela pipel, pasin bilong luk-save long ol yet, laip na sindaun bilong ol i balens na ol i plenim gut wok, wokabaut, sindaun na laip bilong ol long helpim ol yet na ol komyuniti bilong ol," Mista Siegert i tok.

Bisop Bernard Unabali i bin kirapim Arawa Katolik yut program long yia 2003. Bihain long dispela, Bisop Bernard i bin stat long sapotim ol yut projek.

Horizont 3000 NGO grup bilong Austria wantaim mani helpim bilong Muvmen bilong ol Katolik Pikinini bilong Austria, i helpim na skruim program namel long 2004 na 2006 wantaim etvaisa, Harry Rettner.

Misin Sande long Holan bai tingim Bogenvil

Veronica Hatutasi i raitim

MISIN Sande insait long Katolik Sios em i de na taim sios i luksave long wok bilong ol misinari long wol. Em i save kamap long mun Oktoba olgeta yia. Long dispela yia, Misin Sande bai kamap long neks wik Sande.

Bisop bilong Bogenvil, Henk Kronenberg, i tok Misin Sande bai kamap taim em i stap long malolo long ples bilong em long kantri Holan long Yurop.

Em i tok long daiosis bilong em yet long ples,

sios long hap bai lukluk long Katolik Sios long Bogenvil, ron bilong em na wanem sapot em inap long givim.

Bisop Henk i tok em bai stap long tripela wik malolo na em bai promotim wok bilong Katolik Sios long Bogenvil i go long ol pipel bilong em.

Em i tok Bogenvil em i olsem ples bilong em bikos em i stap na wok long hap longpela taim pinis.

Bikos em i bin wok stap long ol peris long Buin, saut Bogenvil, Bisop Henk i save liklik long tokples Buin.

Tasol bikos Bogenvil i gat

planti tokples na tu, em i no stap longpela taim tumas long wanpela hap, em i no bin gat strongpela tingting long lainim ol tokples, tasol em bin strong long save long Tok Pisin.

Long sait bilong gavman na ol sevis i go aut long olgeta hap kona bilong Bogenvil, em i hat bikos ol gan i stap yet.

"Gavman i traिम hat long kisim sevis i go aut, tasol em i hat bikos hevi i stap yet. Ol gan i stap yet tasol polis i pret na ol i no mekim gut wok bilong ol.

OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE (incl GST)	QTY	SUBTOTAL
PNG Tok Pisin English Dictionary	9780195551129	K38.50		

Recommended retail price is correct at the time of printing and is subject to change without notice.

TOTAL

PLUS FREIGHT

GRAND TOTAL

*Freight cost for line items:

K5.00 across PNG

K10.00 Solomon Is

K13.50 rest of Pacific Is

K15.00 S.Africa & world

Options for Payment

1) Direct deposit into Bank Account (Details below)

2) Mail Cheque to Word Publishing Company Ltd, PO Box 1982, BOROMBA, PNG

3) Call into the office: Office 62, Section 58, Alotau Road, Alotau P.O. 9025

Account Name: Word Publishing Company Ltd

Account Number: 100 000 3380

Bank: Bank of South Pacific Ltd

Branch: Commercial Centre

Branch Code: 8951

Swift Code: BOSPPNGH

FAX BACK TO : (675) 325 2579

If you are ordering more than one copy please contact us first & please

Phone: (675) 325 2568

Fax: (675) 325 2579

Email: word@wantok.com.pg

Name (print):

Address (print):

Email:

Phone:

Fax:

Signature:

Wok maikro fainens nau i gat asosiesen

Neville Choi i raitim

NUPELA rot bilong kirapim ol liklik manmeri long wok bisnis, em maikro fainens, i gat asosiesen bilong em yet pinis.

Dispela asosiesen, ol i kolim PNG Associations of Microfinance Institutions (Asosiesen bilong ol PNG Maikro fainens Institusen).

Insait long kantri, i gat 22 maikrofainens institusen i wok i stap.

Tupela long ol dispela olgeta i rejista na i wok aninit long lo bilong Benking na Fainens Ekt. Dispela tupela em Nationwide Microbank, na PNG Microfinance.

Ol arapela maikrofainens institusen em ol seavings na lons oge-naisesen, na ol arapela liklik maikrofainens institusen i gat ol memba i save kontribut o givim mani bilong kirapim ol seavings.

Wok maikrofainens i bin kirap long yia 2000 taim Esian Developmen Benk (ADB) i bin kari-maut wampela wok glasim long mak bilong ol benk sevis insait long PNG.

Ol i bin painimaut olsem klostu hap long olgeta manmeri long kantri i no holim ol pot-nait pe wok bilong helpim ol yet long stretim ol samting olsem skul fi, helt kea na ol arapela samting bilong famili.

Long opim rot bilong dispela bikipela mak ol lain manmeri, ol i kirapim wampela projek bilong helpim ol pipel long kisim ol benk sevis bilong statim ol liklik wok bisnis bilong ol.

Nau, maikrofainens i wok helpim planti manmeri long kantri taim ol i kisim dinau bilong strongim o kirapim ol liklik wok bisnis bilong ol. Taim ol i mekim dispela, ol i apim mak bilong winmani ol i kisim, na dispela i lukim ol i ken bungim ol mani samting olsem skul fi na baim ol samting olsem haus sik bilong lukautim gut famili bilong ol.

Amamas long klinim Madang taun

Michael Novingu i raitim

"MIPELA i kirapim raskol pasin long wanem i nogat luk-save long mipela na i nogat gutpela wok mani long lukautim sindaun bilong mipela. Tasol nau mipela i amamas bikos Madang provin-sel gavman i luksave long mipela na givim wok long mipela long klinim Madang taun."

Dispela toktok i kam long mausman

bilong ol yangpela man long PHD Kompaun long Madang, Koni Huapi.

Koni i tokim Wantok Niuspepa olsem ol yangpela manmeri long wod siks long PHD Kompaun i no laik wokim raskol pasin moa, na ol i laik helpim Madang provinsel gavman long klinim taun na kisim gutpela nem long provins.

Mista Huapi i tok planti ol yangpela manmeri ol i dropout

long skul, sampela i pinisim gret 10 na 12 tasol ol i nogat wok long mekim. Olsem na ol i bin go insait long wokim hombru, salim spak brus, na mekim ol arapela pasin nogut.

Ol yut long ol arapela wod insait long Madang taun i wok mekim wankain wok tu bihain long provin-sel gavman i skelim K600,000 long go long ol yut i karimaut dispela wok.



'Australia polis mas lukaut' - Wenge

Bustin Anzu i raitim

AUSTRALIA polis husat i laik kam bek long Papua Niugini mas lukaut long lo bilong kantri.

Ol i mas rispektim konstitusen na ol i noken brukim.

Gavana bilong Morobe, Luther Wenge, man husat i rausim Australia polis long 2005, i tok Papua Niugini em i wampela kantri na i gat lo na konstitusen olsem na ol i mas bihainim long olgeta taim.

Wenge i tok em bai no inap mekim sampela toktok long wanem, dispela nupela program bai ol i stretimlong longpela taim bilong em long daunim hevi bilong lo na oda, na dispela em tingting bilong nesenel gavman long kisim polis bilong Australia i kam bek.

Dispela em aninit long nupela program ol i kolim 'Strongim Gavman' we Australia i laik salim ol polisman meri bilong ol i kam long wok long kantri.

Wok bilong ol bai no olsem pastaim we ol i laik kam wok wantaim ol biklain polis wok tasol, wok olsem



WENGE: Rausim Australia Polis long 2005. Nau bai olsem wanem?...

sampela advaisa, we ol asples polis yet bai mekim wok na ol bai helpim ol wantaim ol risos na lojistiks.

Gavana i bin rausim ol polis bilong Australia, husat i bin kam na wok aninit long ECP o Ehens Koporesen Program (Enhanced Cooperation Program), taim em i kisim ol i go long Suprim Kot na tok dispela ECP i no kamap insait long konstitusen bilong kantri.

Mista Wenge i tok polis fos bilong

tupela kantri wantaim, Royal Papua Niugini Konstabuleri (RPNGC) na Australia Federal Polis (AFP) i noken brukim lo bilong kantri olsem pastaim ol i bin mekim.

I gat ol liklik lain AFP i kam na stap pinis long kantri na wokim plening long we dispela program bilong ol bai wok, tasol biklain i no kam yet na wetim tasol toksave long Kenbera na tu, i gat stori olsem baset bilong Australia, bai ol i holim long mun Me long neks yia. Dispela i min olsem dispela program bai karim kaikai long neks yia.

Wenge i tok dispela em gutpela tingting bilong tupela kantri long wok bung wantaim long daunim hevi bilong lo na oda insait long kantri.

"Sapos gavman bilong Papua Niugini i lukim olsem polis bilong ol i no gat strong long daunim hevi bilong lo na oda, orait, ol i ken askim Australia polis aninit long gutpela wok bung wantaim bilong tupela kantri na mas bihainim ol lo bilong kantri.

"Tupela i noken brukim ol lo na

konstitusen bilong kantri," em i tok.

Em i tok wanem kain agrimen ol i sainim, em i mas kam insait long lo bilong PNG.

Mista Wenge i bin kisim ECP i go long kot long 2005 taim em i lukim olsem sampela lo we ol i kam na wok insait long en i no bihainim Yunaitet Nesens Humen Raits, maski ol i givim imiuniti long ol polis bilong Australia.

Papua Niugini i bin kisim ol UN Humen raits Konvensen lo na kamapim insait long ol lo buk bilong Papua Niugini.

Wampela bilong ol dispela UN Konvensen i tok: "Sapos wampela i kamapim o bagarapim narapela, dispela lain inap kisim kompensesen long em."

"Wampela asua bilong ECP long pastaim em ol i bin rausim dispela konvensen. Narapela em ol dispela polis opisa bilong Australia i ken go kam long Papua Niugini we ol bai i no inap sekim ol. Na tu, ol i no inap peim sampela kain takis," Wenge i tok.

Em i tok Papua Niugini em i kantri bilong em yet na ol i mas bihainim na i noken brukim ol lo bilong en.

KING TONY
Professional Tools

BISHOP BROTHERS NATIONWIDE
everything for industry...

Praim minista laikim kalsarel senta bilong Angoram

Cyril Gare i raitim

GAVMAN i tokaut pinis long givim K500,000 i go long wokim nupela ats na kalsarel senta bilong Angoram Distrik insait long Is Sepik provins.

Praim Minista Se Michael Somere i bin tokaut long dispela long Angoram long taim bilong selebresin bilong 34th Independens anivesari i no long taim i go pinis.

Long dispela taim tu ol pipel bilong Angoram i bin amamasim Sepik Riva Kalsarel Daivesiti Festival.

Se Michael i givim wok i go long Is Sepik Provinsal Edministreta, Samson Torovi long kamap wantaim wanpela plen o disain bilong dispela nupela kalsarel senta hariap long wok i ken kamap.

"Mipela i gat planti ol kain kain kalsa na pasin tumbuna i stap we i mas gat gutpela was o lukaut long en.



STRONGIM KALSA: Se Michael i laikim bai Angoram i gat kalsa senta bilong em yet.

Mi bai givim hap bilong K1-milien long wok bilong kirapim dispela nupela ats na kalsarel senta em ol bai wokim long Angoram," Praim Minista i tokaut.

Se Michael i tok tu olsem dispela kalsarel senta i mas gat rum bilong foapela eria insait long Sepik olsem lowa Sepik, midel Sepik, apa Sepik na ol liklik hanwara insait long Sepik.

Dispela i ken givim ol spes long ol i ken soim ol kalsa na pasin tumbuna bilong eria bilong

ol.

Em i tok tu olsem dispela kalsarel senta bai kirapim bel na tingting bilong ol pipel long kamaut long ol haus boi na soim ol kalsa bilong ol long ol pipel bilong autsait wol o ovasis lain.

Se Michael olsem independens presen i tokim tu long putim mani long wokim tripela dabol klasrum. Wanpela dabol klasrum bai stap long Angoram praimeri skul na wanpela bai stap long Angoram hai skul.

Sumatin mekim wok trening

NAU yet planti ol sumatin husat i mekim ol fain-ol yia long ol bikpela trening institusen na yuni-vesiti na koles long kantri i go aut na wokim ol wok prektikol wantaim ol sampela kampani na gavman dipatmen.

Dispela ol prektikol na wok trening em long givim ol kain ekpiriens long save long wok tru tru i save kamap long fil bilong wok.

Dispela ol wok trening em hap bilong kos ol sumatin i mekim na ol kampani na gavman dipatmen bai glasim wok bilong ol na tu givim ripot i go long skul edministresin long givim mak long ol sumatin.

Long poto em ol lain sumatin bilong Divain Wod Yunivesiti long Madang i mekim sampela kain stadi raun bilong ol long naispela nambis long Madang taun eria yet ol i kolim 'Tusbab Bis'.

-James Kila i raitim



STRONGIM TUMBUNA PASIN: Ol dispela meri sumatin bilong Monoitu Praimeri skul i putim ol naispela bilas na wok-about wokim samsam danis long kisim tupela kendidet bilong klas i resis long Mis Tumbuna na Mista Tumbuna i sanap resis long dispela taitel.

BANK SMARTER

SMS banking customers over
30,000 and growing!



Be registered now to Bank Anywhere, Anytime.

See your BSP branch today. Register to save time and money!

www.bsp.com.pg

**“READY
WHEN
YOU
ARE” ...**

Features:

- CDMA 2000 1x Technology
- 200 phone book memory
- SMS (coming soon)
- Schedule
- Alarm Clock
- Data service/internet connection

RRP K55

Access
just connect

TELKOM

Enquire now at your nearest Telikom business office

Fri Edukesen stat long 2010

Paul Zuvani i raitim

GUTPELA nius long ol papa-mama husat pikinini bilong ol bai stap long elementari skul long narapela yia, 2010.

Ol bai i no inap long baim skul fi.

Dispela i namba wan stat bilong Fri Edukesen polisi we nenesel gavman i laik kamapim long ol yia i kam.

Bihain long wan wan yia gavman bai pinisim wok bilong sasim ol pikinini long skul fi i go inap long gred 12.

Na em bai yusim inap olsem K16 bilien long Yunivesel Besik Edukesen (UBE) plen bilong em.

Dispela em tok bilong Minista bilong Edukesen na Memba bilong Tari Pori taim em i tokaut long tok orait bilong Nesenel Eksekutiv Kaunsil (NEC) long kamap UBE plen long Trinde Septemba 30, 2009.

UBE plen i stat long 2010 i go inap long 2019. Bihain long dispela bai i gat rivvyu bilong kamap



KISIM SAVE: Marape i laikim manmeri mas save long rit na rait.

bilong progrem.

Mista Marape i tok long wan wan yia gavman bai yusim K1 bilien long karim aut dispela progrem.

Em i tok Dipatmen i kamapim dispela progrem bilong bihainim plen bilong Yunaited Nesen we i tok long 2015 wol i mas lukim olsem klostu olgeta mangi long wan wan ol kantri i stap long

mak bilong skul i stap insait long skul.

Olsem ol i mas gat save bilong rit na rait.

Gavman bilong Papua Niugini i mas lukim olsem dispela plen i kamap tru long 2015.

Em i tok dispela i soim sapot Somare-Temu Gavman i gat long Yunivesel Besik Edukesen plen Papua Niugini.

Em i tok dispela plen i kamap bihainim planti bung ol lain husat i pas wantaim wok bilong edukesen i gat namel long ol yet.

"Dispela i plen we i makim laik bilong ol manmeri husat i laikim senis long rot ol pikinini bilong ol bai lain."

"Dispela bung i kamap namel long ol provins, gavman dipatmen na ol ejensi, dona ejensi, komyuniti memba, ol sios na praivet sekta."

"Na mi tok tenk yu long olgeta dispela lain husat i wok hat long lukim Yunivesel Besik Edukesen plen i kamap," Marape i tok.



STRETIM PLES: Vegogo, nupela Mosbi Haus sik sif eksekutiv opisa i sekan wantaim ol wokmanmeri. Poto: PAUL ZUVANI

Vegogo bai kamapim gen Mosbi Haus sik

Paul Zuvani i raitim

MOSBI Jenerel Haus sik i mas wanpela taim gen kamap olsem namba wan haus sik long kantri.

Long dispela taim planti samting i no stap stret.

Menesmen i mas kamap strong, wokmanmeri i mas gat gutpela sindaun na sikmanmeri mas kisim gutpela sevis.

Dispela em tok bilong nupela sif eksekutiv opisa bilong Pot Mosbi Jenerel Haus sik Sam Vegogo long taim Haussik i givim opisel welkam long em long Haussik long Tunde dispela wok.

Long namba de bihain long em i pun-daun long Jackson ples balus em i mekim lukluk raun long Imejensi Wod na go sekim haus silip bilong ol wokmanmeri.

Haussik Bod siaman Sir Brian Bell na ol narapela mausmanmeri bilong ol dokta na nes i bin stap tu long witnesim.

"Mi sori tru long lukim olsem nogat wanpela dokta o nes i helpim ol sikmanmeri long Imejensi Wod."

"Ol dokta na nes i lusim ol na go nambaut."

"Mi go raun lukim tu

haus silip bilong ol wokmanmeri."

"Go olgeta long rum ol i silip na mi sori tru olsem ol moa nogut long ol manmeri husat i silip long ol setelmen," Vegogo i tok.

Em i tok em bai yusim botom ap plening long bringim bek gutpela stap bilong haus sik.

Na dispela em bai stat wantaim midel menesmen, wantaim ol dokta na nes bipo long em i go long sinia menesmen.

Em i tok moa tu olsem ol wok i laikim tasol 40 pesen bilong mani.

"Narapela 60 pesen i stap wantaim man long em i yusim save na strong bilong em long pinisim wok."

"Long wok ekspirians mi painim olsem planti ol samting long kamapim wok i stap wantaim man."

"Liklik hap tasol i laikim mani."

Pastaim long dispela Nesenel Dokta Asosiesen i tok ol i laikim wanpela dokta long kamap CEO.

I no man nating.

Presiden bilong Asosiesen Dokta Kauve Pomat i tok dokta sif ekekyutiv opisa i save moa long samting haussik i laikim moa long wanpela man nating.

Long dispela as wanpela dokta stret i kamap sif eksekutiv opisa i gutpela.

Dokta Pomat i mekim dispela toktok pastaim long taim Pot Mosbi Jenerel Haussik Bod bilong Dairekta i makim Vegogo olsem nupela CEO.

Vegogo bilong Noten Provins i wanpela akaunten husat bipo long makim bilong em long Mosbi Haussik i CEO bilong Popondetta Haussik.

Bipo long dispela Vegogo i bin stap olsem Dairekta bilong Fainens na Etnimistresen bilong Boram Haussik long Wewak, Is Sepik Provins.

Se Brian i givim sapot long Vegogo na tok i gutpela ol manmeri i tok long kamapim gutpela Haussik tasol husat manmeri yet i go aninit long kamapim gutpela wok i save long kain menesmen olsem.

Em i givim piksa long tripela man we wanpela i stap antap long maunten i lukim hap ples na i laikim. Narapela i go moa long save na kalap long bas na lukim ples. Na narapela i lusim bas na wokabaut long lek na pilim wanem samting i stap long ples.



TINGTING GUT: Ol gret ten sumatin insait long kantri i wok long mekim skul eksam bilong ol dispela wik. Dispela ol bikipela tes em bilong makim ol long go antap long gret 11 na 12. Planti papamama i wok long wari sapos pikinini bilong ol bai mekim go tru long narapela level bilong skul bilong ol o nogat. Poto i soimol sumatin bilong Gordons Sekendri Skul husat i putim het go daun na tingting strong long wokim gut long kisim gutpela mak. Gordons Sekenderi. Poto: Nicky Bernard.

UBE sanap long faivpela tok

YUNIVESEL Besik Edukesen plen i kamap bihainim 5-pela as tok.

Dispela ol as tok em:

- MAMA Lo bilong kantri i tok long em i rait bilong ol pikinini long go long skul;
- MILENUM Developmen Gol 2 i tok Yunivesel Praimeri Edukesen. I olsem Yunaited Nesen i laik lukim olsem long 2015 planti pikinini i stap long skul na i save long rit na rait, em long ol pikinini man na pikinini meri wantaim;
- YUNAITED Nesen (UNICEF) i tok long rait bilong pikinini

olsem go long skul i wanpela bilong dispela ol rait

- MEDIUM Tem Developmen Strateji (MTDS) namel 2005 i go long 2010 we em i gavman polisi i tok strong long olgeta manmeri i mas gat save bilong rit na rait na
- EM i Nesenel Edukesen Plen namel long 2005 i go long 2014 long lukim olsem polisi bilong Dipatmen i bihainim toktok i stap long Mama Lo bilong kantri na long Milenum Developmen Gol bilong Yunaited Nesen.

Yunivesel Besik Edukesen (UBE) plen i min olsem olgeta pikinini husat krismas bilong ol i stap long mak bilong skul i mas pinisim 9-pela yia bilong skul na i gat save bilong wokim o kamapim ol samting.

Na Mista Marape i tok maski sampela lain i tok em bai hat long kantri i bungim mak bilong MDG long 2015 tasol wantaim sapot bilong gavman em i bilip PNG inap bungim dispela mak.

"Mi laik lukim olsem long 2015 inap long 70 pesen bilong ol mangi i stap insait long skul."

"Krismas bilong dispela ol lain bai stap namel long faiv i go inap long 15," Marape i tok.

UBE i bikipela samting bikos taim manmeri i save long rit na rait ol i ken mekim samting long helpim developmen bilong kantri.

Em i bikipela samting bikos wantaim save manmeri i ken helpim em yet long sindaun gut.

Dispela i helpim manmeri long save long klinkpela rot bilong stap na i abrusim ol kain kain sik.

UBE i bikipela samting bikos wantaim dispela manmeri i ken isi long lainim ol narapela samting wantaim.

Fri Edukesen bai stat long 2010 we Gavman bai mekim ol nupela klasrum, nupela haus bilong ol tisa, trenim moa elementari tisa na stretim ol klasrum na haus bilong ol tisa we i bagarap.

Dipatmen bai kamap inap olsem 346 nupela elementari klasrum long wan wan ol yia na 4300 praimer skul klasrum long wan wan yia.

Long sapotim dispela ol wok Dipatmen bai pinisim sas bilong skul fi, kamapim wara saplai, wan wan skul i mas lain long kamapim mani bilong ol yet na wokim toilet bilong ol skul.

Sunami i strongim ol Tonga na Samoa pipel

OL SUNAMI long Samoa na Tonga i bringim wantaim na strongim ol pipel bilong dispela kantri husat i stap nau long Amerika long stap klostu wantaim.

Fahina Tavake-Pasi, husat i memba bilong Eksekutiv bilong Nesenel Tonga Amerika Sosaiti i tok olsem ol komyuniti bilong Tonga na Samoa i wok long painim na kisim ol blanket na ol ten bilong salim i go long ol pipel em dispela sunami i bin bagarapim stret long wik i go pinis.

Em i tok olsem dispela bikpela taim
nogut i strongim ol wokbung namel
long ol pipel bilong Tonga na Samoa

husat i save stap nau long Amerika.
Mis Tavake-Pasi i tok olsem planti
pipel tu bilong olgeta hap bilong
Amerika i wok long givim sapot bilong
ol.

Wanpela Fiji bosmeri i
wari long ol jas

DAIREKTA bilong Fiji Wimens Krais
Senta i wari long kain pasin em ol jas
bilong Fiji Majistret kot i save mekim
long harim na skelim ol hevi bilong
domestik vailens.

Shamima Ali i tok olsem wanpela taim,
wanpela jas i bin rausim wanpela
tambu o ristrening oda em wanpela
meri i bin putim agensim man bilong
en.

Dispela jas i bin tok olsem em i bin mekim dispela pasin bilong larim man bilong dispela meri bilong traim stretim ol hevi wantaim meri bilong en, tasol dispela meri i no bin laik toktok o lukim man bilong en.

Militari gavman bilong Fiji i bin makim
olgeta jas bilong kantri bihainim pasin
em i bin mekim long rausim mama lo
bilong kantri long stat bilong dispela
yia, na em i bin rausim olgeta jas husat
i bin wok aninit long olupela mama lo.

Mis Ali i tok olsem ol i no nap tokaut
long ol vailens em ol man i save
mekim agensim ol meri nau, long
wanem i gat strongpela lo i stap long
stopim ol wok nius o midia long tokaut
long strongpela toktok agensim ol
majistret long ol kain wok em i
karamapim vailens.

Em i tok em i wari tru long sampela ol toktok em
ol ias i save mekim.

"Wanpela meri, ol i bin reipim em, na jas i tok olsem meri i mas giaman tasol. Na ol kain toktok olsem. Dispela i kisim mipela i go bek long 20 yia bipo nau. Mipela i raitim pas i go long opis bilong Sif Majistret, long dispela, na mipela i no kisim bekim vet." em i tok.

Amerika helpim Filipins
bihainim Taifun hevi

OL LAIN ami bilong Amerika nau i wok long givim helpim long Filipins bihain long tripela taifun i bin hamarim kantri insait long tupela wik.

Wanpela tokman bilong Ameriken Stet Dipatmen i tok olsem ol lain ami i wok long tilim tu ol marasin na ol narapela samting olsem.

Planti ol lvekuesen senta insait na raunim siti bilong Manila nau i pulap yet long ol pipel, maski sapos ol hai wara nau i wok long go daun.

Gwendoline Pang, bilong Filipins Red Kros, i tokim pinis Radio Australia Connect Asia program, olsem ol i gat planti kaikai i stap, tasol ol i laikim ol narapela samting em ol pipel i laikim na nidim.

Planti manmeri i lusim olgeta samting olsem ol blanket, moskito net, ol samting bilong haus kuk. Helti pasin i no strong moa. Mipela i wok tilim wara tu, bilong ol manmeri long dring. Nau mipela i lukim planti moa hevi long sait bilong ol siki bilong skin.

Vanuatu maunten paia i luk
olsem bai pairap

WANPELA maunten paia long Vanuatu i wok long soim olsem em bai pairap klostu.

Wanpela tim bilong ol mansave long ol maunten
paia i kamap pinis long Gaua volkeno na nau i
wok long kisin na glasim gut ol samting o data
bilong painim sapos em bai pariap o nogat.

Ol i no tokim yet ol pipel long dispela hap bilong lusim ol ples bilong ol inap long ol alet level bai kamap long level tri. Nau yet dispela kain mak i stap tasol long level 1.

Tasol ol lokol pipel i tok olsem nau ol i wok long lukim ol das bilong volkeno na tu ol i wok long pilim planti ol liklik guria i wok long kamap.

Wanpela turis bilong Spein na wanpela turis opisa
husat i bin wok long soim dispela turis bilong
Spein klostu long dispela maunten i bin ronawe,
bihain long wanpela guria i bin kamap, na tu,
smuk i bin kam long dispela maunten paia.

Wanpela asples man na kandre bilong dispela turis opisa, Charles Bice, i tok makim samting em dispela tupela pipel i lukim, taim tupela i bin stap klostu long volkeno.

Oli bringim yet ol sikman i
go long Tongatapu

LONG TONGA, ol i wok long go het yet long bringim ol pipel husat i bin kisim ol bikpela bagarap bihainim sunami i bin hamarim ailan bilong ol long Niuatoputapu i go long Tongatapu em i stap olsem 500 kilomita longwe long south bilong kantri.

Nu Silan Herald niuspepa i ripot olsem balus i bin kisim tupela i go long haus sik, tasol wanpela i stap vet na wetim trenspot i go long Tongatapu.

Ol bikpela bagarap i bin kamap long ples balus na dispela i min olsem ol liklik balus tasol i ken pun-
daun na kirap lusim ailan.

Dispela hevi i wok long mekim ol wok bilong
helpim ol pipel i slo daun.

Mo'a long wan tausen ol pipel husat i save stap
long Niuatoputapu ailan, em i stap klostu moa
long Samoa winim ol narapela ailan bilong Tonga.
Klostu olgeta haus bilong ol i bin bagarap bihain-
im sunami.

Not Korea lida i go bungim
Premia bilong Saina

LIDA bilang Not Korea Kim Jong-il i go kamap
long Pyongyang ples balus em yet, samting em i
no save mekim bipo bilang i go bungim Premia
bilang Saina, Wen Jiabao.

Dispela luluk raun bilong Mista Wen i stat bilong ol toktok namel long o biknem lida bilong tupela kantri i luk olsem dispela bai soim klia ol tingting bilong Not Korea long Nuklia wepens program bilong en.

Lukluk raun bilong Premia Wen bai go wantaim
60 yia bilong ol wokbung namel long dispela
tupela kantri.



**SAMOA
DISASTER
APPEAL**

BSP Appeal for American Samoa & Samoa Earthquake/Tsunami Victims

Donations can be deposited directly to
Samoa Tsunami Appeal Fund Account.
BSP account number **1001619756.**





KOMENTRI

Man i sindaun nating, bai no inap sanap strong

LAS wik Fonde avinun, wanpela liklik bung i kamap long Mosbi, we i lukim ol mausmanmeri bilong olgeta ol maikro fainens institusen i kam bung wantaim.

Bikpela luksave i bin kamap long lonsim bilong wanpela mama asosiesen bilong olgeta maikro fainens institusen long kantri.

Planti long yumi ating yumi no klia long wok maikro fainens. Sampela long yumi ating bai yumi save tasol long ol seving na lons ogenaisesen long ol liklik ples bilong yumi.

Olgeta ol dispela kain ogenaisesen i save mekim wankain wok. Bisnis bilong ol em bilong strongim tingting bilong ol manmeri long bungim o sevim mani, na kirapim wok bisnis.

Ol i save givim dinau long ol manmeri i laik kirapim ol liklik bisnis na taim bisnis bilong ol i groa moa, ol i save bekim ol dispela dinau.

Wok bilong maikrofainens em i wok go insait long ol liklik ples bilong kantri, na em i wok helpim planti ol manmeri long ples, o ol manmeri i nogat inap save tasol i gat bikpela tingting na laik bilong wok bisnis.

Planti long ol i wok lukautim ol strongpela bisnis nau bihain long ol i kisim helpim long wanpela maikro fainens institusen.

Em i wanpela gutpela rot bilong kirapim ol liklik manmeri, bai ol i noken sindaun nating na wetim gavman long mekim olgeta wok.

Tasol wanpela samting i kamap bikpela tru namel long ol mausmanmeri bilong ol dispela maikrofainens ogenaisesen, em luksave bilong gavman.

Olgeta yet i tokim mipela olsem gavman i save givim ol bikpela toktok long maikro fainens, na strong bilong em we inap long kirapim gut rurel PNG. Na olgeta yet i tokim mipela olsem olgeta dispela ol bikpela toktok em ol toktok nating. I nogat wanpela gutpela luksave i kam long gavman na i go daun long wok ol maikro fainens ogenaisesen i wok mekim tude.

Ol gret 10 sumatin long olgeta skul bilong yumi, nau ol i wok sindaun long ol bikpela eksam o tes bilong ol. Planti long ol bai no inap long pulim skul bilong ol i go long gret 11 o 12, tasol ol bai gat inap skul pinis long kirapim ol liklik wok bisnis bilong ol. Na maikro fainens bai stap long helpim ol.

Dispela kain ol program, bai yu ting gavman i lukluk gut long ol na helpim long strongim wok bilong ol. Nogat tru.

Tingting bilong maikro fainens i strongim em yet pinis insait long het bilong planti ol manmeri bilong yumi, tasol em i no kisim inap luksave long gavman bai ol i ken skelim hap mani bilong em insait long nesenel baset.

Sapos yumi no inap long luksave long ol dispela program i ken kirapim ol pipel bai ol i mekim wok na helpim ol yet, bai yumi olgeta i no inap sanap strong na karim kantri i go het.

Gavman, plis opim ai long dispela samting ol i kolim maikro fainens.



Ol ECP lain laik kam bek ... ating Wenge bai rausim ol gen o?

NAU Gavana bilong Morobe Luther Wenge i senisim tok pisin bilong em nau bihain long em yet bin agensim tru ol polismanmeri bilong Australia i kam wok helpim wantaim ol polismanmeri bilong Papua Niugini long 2005.

Em bin mekim bikpela toktok pait tru long haus palamen na bihain karim Nesenel Gavman go long kot long rausim na stopim dispela wok poroman bilong ol polis fos insait long kantri. Na em winim Kot olsem na dispela wok poroman o program ol kolim Enhancement Cooperation Program (ECP) i no bin kamap.

Long sotpela taim ol dispela ECP polismanmeri bilong Australia bin kam wok long Mosbi siti, oloman, ol mekim gutpela wok tru.

Ol kar na bas save ron long rot na ol kisim taim bikos nogat bikhet pasin bilong givim sait mani long trefik o polis na tekov wantaim nogat laisens o rejestresen pepa samting.



Ol waitman ya mekim trupela wok stret long trefik. Wankain tu long strit, ol mangi sanap bung bung long fran bilong stua o spak na wokabaut long rot, ol dispela waitman ya go pesim ol stret na tokim ol long go nabaut. Olsem na long strit, taim ol man lukim ol waitman wantaim polis yunifom i kam, ol i stat bruk nabaut na wokabaut i go.

Wok bilong ol tu insait long komyuniti long strongim pasin bilong wok poroman namel long polis na komyuniti i bihainim stretpela rot bilong kamapim pasin rispek na wok poroman. Na sapos ol stap longpela taim liklik moa, ating ol pablik bai givim bikpela sapot tru long wok bilong ol polisman na klinim ples na strongim lo na oda insait long komyuniti.

Tasol Gavana bilong Morobe Luther Wenge i win olsem na ol waitmanmeri ya go bek long asples bilong ol.

Nau Gavana Wenge i senisim tok pisin bilong em nau. Em laikim ol dispela polismanmeri bilong Australia long kam bek gen na helpim ol polismanmeri bilong yumi.

Bipo em bin egensim tru nesenel gavman, nau em laik wanbel gen wantaim nesenel gavman. Wanem samting tru i mekim em senisim tingting bilong em? Em Kot mekim disisen pinis ya olsem na lusim. Yu win pinis.

Nau em wok bilong yu long putim moa mani na moa polisman long olgeta kona bilong Morobe provins long karimaut wok bilong lo na oda. Insait long bikpela siti bilong yu long Lae siti em yum as sanap strong tru wantaim ol polisman bilong yu na daunim ol lo na oda hevi long noken kamap bikpela. Em i wok bilong yu olsem het

bilong provins.

Yu gat plen long strongim lo na oda bilong kantri olsem na yu bin stopim wok bilong ECP long kamap long 2005. Olsem na soim dispela naispela plen bilong yu bai ol pipel bilong Morobe ken lukim bikos yu bin tro-moi bikpela mani bilong ol pipel bilong Morobe long dispela bikpela Kot egensim ECP. Em i no kot bilong ol pipel bilong Morobe tasol. Em kot bilong Papua Niugini tasol yu yusim mani bilong ol Morobe pipel long mekim. Olsem na soim dispela wok bilong strongim lo na oda insait long Morobe nau. Noken larim dispela mani bilong ol i lus nating we yu kisim biknem long winim dispela bikpela kot long mani bilong ol Morobe pipel.

Sapos ECP kam bek, noken larim ol go wok long Morobe provins bikos birua man bilong ol stap long hap ya. Larim ol ECP go wok tasol long Mosbi na ol arapela provins insait long kantri.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general term acceptance are available at Word Publishing Company Ltd and are set out full on the display advertising form.

A	N	K	A	K	T	F	E	K	S	K	S	A	L	A	B	S
O	I	E	P	R	E	N	O	T	A	L	F	E	I	L	I	T
L	R	B	P	S	L	M	I	P	A	G	E	S	N	A	K	A
F	T	I	T	N	P	O	S	G	B	E	O	M	R	A	I	N
E	R	N	P	A	W	A	R	T	E	L	M	A	P	R	E	P
D	E	F	S	W	I	M	F	I	W	O	W	N	M	A	A	R
D	R	I	P	T	E	T	S	A	M	I	L	O	R	R	B	E
R	M	A	L	O	I	P	R	E	A	N	U	A	A	Y	C	P
U	K	I	I	L	K	A	O	R	E	L	W	M	I	N	T	U
N	E	B	L	D	C	T	D	A	F	I	E	R	L	O	I	L
A	B	N	Y	U	O	E	M	N	A	L	O	I	A	C	D	O
M	F	R	U	M	E	K	U	H	S	T	U	R	N	E	S	A
A	I	L	R	U	M	A	K	I	M	K	O	S	O	E	I	I
S	P	M	K	L	I	M	I	K	E	L	S	P	L	E	S	G
A	I	A	S	T	I	A	M	A	N	A	N	B	R	O	A	N
S	L	R	O	M	E	R	J	I	L	C	A	O	M	U	P	I
R	U	M	B	I	L	O	N	G	K	E	P	T	E	N	V	D

PAINIM OL TOK BILONG WOK SIF:															
ANKA	STAN	BALAS	BOT	SI											
RUM BILONG	KEPTEN	KEBIN	KAPSAIT	SEN											
KOMPAS	TAIT	BOSKRU	DINGI	GLAS											
DRIP	DRAIDOK	PARAM	SWIM	HUK											
PASIS	STIA	STIAMAN	HAIWARA	AILAN											
BRIS	SLEKIM	DRAIWARA	MOTO	PUL											
SAMAN	RIP	SEL	SOLWARA	MAKIM KOS											

9				1	2		8	4
								6
1		8	6	3		2	5	9
	1		3			9	6	
3	2						1	8
	6	4		9	1		3	
5	3	7		6	9	8		1
4								
6	9		1	8				3

9	4	6	1	8	7	2	5	3
1	8	3	6	2	5	7	4	9
5	7	2	4	9	3	1	8	6
4	1	9	8	7	6	3	2	5
2	6	7	3	5	4	8	9	1
3	5	8	2	1	9	6	7	4
6	9	1	7	4	8	5	3	2
8	3	4	5	6	2	9	1	7
7	2	5	9	3	1	4	6	8

A	B					N	E	S	E	L	E	V	E	R				
P			N	U	P	E	L	A	T	E	S	T	A	M	E	N		
O			K															
S	A	M	N		T			I	A	P	I	L	I	F	L	O		
E			O	E	A			I							A			
L			J	L	M		A	M		S					S			
						R	A	B							K			
			A			O	T	U			L	O			I			
			I			O	E	M	S					K		P		
			S			L									L	K		
			E			I	K	E				T	L	E	P	S	O	G
			L	M		O	T					A		A		A		T
			A			R									S	P		
			U	S		I			P	A	R	A	B	E	L			
			T			L									P	P		
			O															L
			P	R	O	F	E	T				M	A	T	V	U		O

PAINIM NEM
bilong las wik
isu...

TORO



BIABIA



KANAGE



TOKWIN...

Sunami bagarap...

Yumi mas tingim ol lain husat i kisim bagarap long sunami haiwara long Samoa na ol araplea kantri long Esia. Yumi mas tok tenkyu long Papa God long seivim laip bilong wanpela meri Papua Niugini husat i stap long Samoa. Yumi mas pre tu long ol arapela husat i stap long dispela bikpela hevi na God i ken putim was long ol. Tingim taim yumi kisim bagarap long sunami, Kain kain halivim i kam long planti kantri. Yumi mas mekim wankain tu. PNG em kristen kantri...

Plen long kisim nu-pela sunami masin bilong kantri...

Nesenel Disasta imejensi Senta nau i tingting long kisim wanpela masin we i ken glasim sunami hia long kantri. Boss bilong NDEC, Martin Mose i tok dispela masin bai skelim na glasim wanem taim na wanem hap bai sunami i kamap na yumi i ken redi. Tasol i no dispela hevi tasol, em bai glasim tu ol arapela hevi olsem taidol weiv o i guria kam long ol narapela kantri. Yumi guria nau?...Pastaim ol i stap we taim yumi kisim tupela bikpela bagarap pinis long hamas yia i go pinis? Maski long giaman toktok na nogat samting i kamap! Wokim

samting stret, bipo yumi gat nara-pela haiwara o sunami i kamap na bagarapim ol kostal eria bilong yumi. Dispela bikpela toktok long "Klaimet Senis" i wok long kamap na kainkain kibung bilong we long stretim dispela hevi i wok long kamap na mipela no lukim wanpela wok kirap i kamap long Manus Ailan na Cateret Ailan?! Planti moni i wok long pinis nating long kamapim kainkain kibung long ol ekspensiv hotel tasol nogat kaikai bilong em. Maski kamapim narapela aidia we yupela bai painim moni long ol dona ejensi long fainensim na moni bai go long poket bilong yupela. Ol Oro i wetim yet halivim long bikpela haiwara i bagarapim ol long las yia yet.

Tokwin Tasol...

TV GAID

around the globe. - Hosted by Ken Sutcliffe.
10.00AM G TODAY ON SUNDAY
1.00PM G SUPER LEAGUE FINAL
3.00PM G AUSTRALIAN GEOGRAPHIC
4.00PM PG WWE AFTERBURN
5.00PM PG WWE AFTERBURN
6.00PM G NATIONAL EMTV NEWS
6.30PM PG RANDOM ACTS OF KINDNESS (Series Premiere)
Australia's unsung heroes are rewarded for their generosity when Karl Stefanovic, Scott Cam and Simone Jade Mackinnon help make their dreams come true.
7.30PM G 60 MINUTES
8.30PM M SUNDAY NIGHT MOVIE PREMIERE: LAKE HOUSE
(2006) Romantic-Drama - After moving away from her peaceful lakeside home, a lonely physician begins writing letters to a frustrated architect who now occupies the building, only to discover that they're living two years apart. They must try to unravel the mystery behind their extraordinary romance before it's too late.
Stars Sandra Bullock, Keanu Reeves and Shohreh Aghdashloo.
8.27PM EMTV TOK SAVE
10.30PM G HEALING PLACE TV
11.00PM G NATIONAL EMTV NEWS REPLAY

11.30PM Australia Network
MANDE OKTOBA 12, 2009
5.00AM G JOYCE MEYER Religious Program
5.30AM G TODAY
9.00AM EMTV PRIME TIME LINE UP
2.59PM STATION OPEN
3.00PM G NEWMACDONALD'S FARM
3.30PM G SUPER LEAGUE FINAL
REPLAY - (teams: tba)
5.30PM G WHO WANTS TO BE A MILLIONAIRE - HOT SEAT
5.55PM G CRIME STOPPERS
6.00PM G NATIONAL EMTV NEWS
6.30PM G A CURRENT AFFAIR
7.00PM G TOK PIKSA
7.30PM SURVIVOR: GABON
The 17th instalment of Survivor series Survivor: Gabon, filmed in Africa. Eighteen contestants are selected to participate in various challenges over 39 days. Who will survive?
8.30PM G PASTOR JOSEPH KINGAL
MINISTRIES:
9.00PM M RPA
9.30PM M THE GIFT
10.00PM M GREY'S ANATOMY

11.00PM G NATIONAL EMTV NEWS REPLAY
11.30PM Australia Network
TUNDE OKTOBA 13, 2009
5.00AM G JOYCE MEYER Religious program
5.30AM G TODAY
9.30AM EMTV PRIME TIME LINE UP
2.59PM STATION OPEN
KIDS KONA
3.00PM G NEW MACDONALD'S FARM
3.30PM G HI-5
4.00PM G STREETSMARTZ
4.30PM G THE SHAK
4.57PM G EMTV TOK SAVE
5.00PM G HOT SOURCE
5.30PM G WHO WANTS TO BE A MILLIONAIRE - HOT SEAT
6.00PM G NATIONAL EMTV NEWS
6.30PM G A CURRENT AFFAIR
6.57PM NEWS UPDATE IN TOK PISIN
7.00PM G HAUS & HOME
7.57PM EMTV TOK SAVE
8.00PM M ARMY WIVES: "Last Minute Changes" (final)
9.30PM PG GREY'S ANATOMY

(New Series)
Grey's Anatomy is an American medical drama TV series. It follows the lives of five surgical interns, later residents and their mentors in the fictional Seattle Grace Hospital in Seattle, Washington. Besides their careers, the series also follows their personal lives.
10.00PM M THE UNIT
11.00PM G EMTV NEWS REPLAY
11.30PM Australia Network
TRINDE OKTOBA 14, 2009
5.00AM G JOYCE MEYER Religious Program
5.30AM G TODAY
9.30AM EMTV PRIME TIME LINE UP
CLASSROOM BROADCAST
2.59PM STATION OPEN
KIDS KONA
3.00PM G G2G: GOT TO GO
3.30PM G HI-5
4.00PM G STREETSMARTZ
4.30PM G THE SHAK
4.57PM G EMTV TOK SAVE
5.00PM G THE SHAK
5.29PM G EMTV NEWS UPDATE
5.50PM G WHO WANTS TO BE A MILLIONAIRE - HOT SEAT
5.55PM G CRIME STOPPERS

6.00PM G NATIONAL EMTV NEWS
6.30PM G A CURRENT AFFAIR
6.57PM NEWS UPDATE IN TOK PISIN
7.00PM PG THE WORLD AROUND US
Pearl Jam: Live in Cornice Italy
Concert film chronicling five dynamic Pearl Jam shows in Italy from September 2006. Concerts were shot in Bologna, Verona, Milan, Torino and Pistoia, Italy in September 2006. This special gives an intimate look at Pearl Jam's amazing live performances and behind the scenes footage from the tour.
8.15PM M SEA PATROL III:
9.15PM WEDNESDAY NIGHT MOVIE PREMIERE: WOLF CREEK
(2005) Wolf Creek is a chilling story of three road-trippers in remote Australia who are plunged into danger when they accept help from a friendly local. How can you be found when no-one knows you're missing?
Stars John Jarratt, Cassandra Magrath and Kestie Morassi.
11.30PM G NATIONAL EMTV NEWS REPLAY - Repeat of the 6 o'clock main news bulletin
12.00MIDNIGHT Australia Network

Senis wantaim taim

TUPELA brata Kahon Kase na Paniu Pwarak em mama bilong tupela i dai taim tupela i liklik yet. Mama i dai bihain long em i karim tupela twins na ol tripela wantaim i dai. Long taim dispela meri i sindaun antap long tupela twins bilong em ol bikpela meri i go stap klostu na traim sapotim em, mi save hap susu yet long mama na mi bin go wantaim mama bilong mi insait long haus karim na mi lukim dispela bagarap i kamap tasol mi nogat save inap long helpim. Man bilong dispela meri 'Pwarak' em i lusim ples bihain long meri wantaim tupela nupela pikinini i dai na em i go long Wes Nu Briten na mipela i no harim gen sampela stori bilong em inap mi bikpela man pinis. Em i lusim tupela pikinini man ya Kahon na Paniu long lukaut bilong sista bilong em Kalcho-on na ol i save stap long sait bilong ples N'Je-oloan i stret long ol Kopanou tu i wok long mup i go bek long Poloho na Keloti bihain long T'Moenai.

Anti bilong dispela tupela mangi em i gat ol pikinini bilong em yet na em i marit long kandre man bilong mi em i kansol bilong Kopanou long dispela taim. Kandre man bilong mi "Chapok Nembe" em i man bilong kilim wel pik. Tasol taim abus i kam long haus, dispela tupela mangi i mekim olgeta wok bilong brukim paiawut, pulumapim wara, katim pik, kukim gras bilong pik na olgeta wok insait na arere long haus em dispela tupela brata Kahon na Paniu i mas mekim na tupela i save mekim. Tasol anti bilong tupela em i wanpela kain meri stret – oltaim bai em i singaut antap long tupela mangi ya long mekim strongpela wok, maski taim tupela i sik o hangre o tupela i laik malolo. Sapos tupela i no mekim, man, wanpela han bilong diwai yar olgeta i ken pinis long baksait, het, han na lek bilong tupela. Na i tambu tru, tupela i ronawe taim anti i wok long paitim tupela. Sampela taim anti bilong tupela i save tromoi hap paiawut i lait yet i bihainim tupela taim tupela i kalap ronawe long abrusim diwai. Planti taim paia i lait yet i save kukim baksait na skin bilong tupela na sua i save stap planti long skin bilong tupela planti mun na i no drai. Dispela tupela mangi i save kamap kamel o donki bilong dispela meri taim em i laik salim ol pikinini i go long haus bus long kisim saksak, paitim nupela saksak, brukim paiawut, kisim buai o wokobaut i go long T'Moenai long bringim tok long sampela lain na planti narapela samting.

Ol pikinini tru bilong dispela meri i save stap stret na dispela tupela mangi i mas mekim olgeta wok na kisim liklik kaikai tru sapos tupela i laki, nogat em tupela i no save kisim kaikai planti de na wik. Planti avinun tupela mangi ya i save slip long lata bilong hauskuk bilong ol narapela lain taim mama bilong haus i wok long kuk. Long laip bilong mi olgeta, taim mi pikinini mi no lukim wanpela gutpela mama i singautim dispela tupela mangi na givim kaikai, nogat tru inap mi lusim ples. Sapos tupela i kamap long mipela orait tupela i laki liklik bikos mama bilong mi em i wanpela meri bilong givim kaikai na laikim ol narapela lain.

Planti yia bihain taim mi bikpela pinis, wanpela long dispela tupela mangi em ol dokta long Lombrum i riferim em i kam long haus sik long Nonga bihain long ol i traim operatim em planti taim pinis na mi bin stap sumatin wantaim tim ananit long Dokta Hemilton na

Tim bilong ol "neglected children"



mipela i operatim Kase long Nonga.

Bikos dispela tupela mangi i nogat gutpela lukaut, tupela i drip-drip namel long Chapasa na Keloti. Wanwan taim, lain bilong mama bilong tupela i save kam na kisim tupela i go stap wantaim ol long Tulu long Not kos, tasol long taim tupela i stap long Chapasa, tupela i kamap memba bilong wanpela grup bai mi kolim long dispela stori olsem "the neglected children".

Siwai na Hawaii em tupela pikinini meri mi no klia long mama bilong tupela, ating em i dai taim mi no kamap yet. Papa bilong tupela em wanpela lapun man ol i kolim 'Porowai' na mipela olgeta pikinini i save pret long em bikos olgeta lain i save tok em i posin man. Em i save mekim haus bilong em longwe tru long olgeta narapela haus na stap em yet. Em i man bilong paitim malum buai long hap stik insait long wanpela mambu na suvim long maus bilong em. Olgeta tit bilong em i lus pinis. Em i save putim wanpela malo long karamapim bodi bilong em na stap em yet. Tupela liklik meri em i liklik na tupela i save ronowe long papa bilong tupela planti taim na kam painim mipela ol narapela pikinini long pilai. Bikpela bilong dispela tupela pikinini meri 'Siwai' em iau bilong em i gat susu i save ron olgeta taim na ol yangpela meri i save les na ronowe long em. Liklik bilong tupela 'Hawai' em ol narapela lain i kisim i go stap planti taim wantaim ol long bik bus long Chonoweai. Siwai wanpela i save stap na em tu i joinim dispela grup "the neglected children".

Mutan em i wanpela pikinini meri na brata bilong em Melewen, tupela i pikinini bilong wanpela lapun. Tupela i hap anti na kandre bilong mi. Lapun tumbuna man bilong mi i maritim tripela meri. Namba wan meri i karim mama bilong mi na papa bilong Paul Pondros (Paul Pondros em i wanpela sempion boksa bilong PNG long 1980s). Nambatu meri bilong dispela bubu bilong mi em i karim Michael West na Catherine Chinou (nau i wanpela sister bilong lotu katolik). Bubu bilong mi i bin maritim namba tri meri tu na em i kamap mama bilong Mutan tupela Melewen. Lapun tumbuna bilong mi i maritim ol dispela meri seim taim maski em i katiket bilong lotu katolik. Bubu man bilong mi i dai

taim mi bebi yet na mi no lukim pes bilong em. Kandre bilong mi tu (papa bilong Paul Pondros) i dai taim mitupela Paul i bebi yet na mitupela i no lukim pes bilong tupela man wantaim.

Lapun bubu i dai na las meri bilong em i maritim narapela man na i gat ol pikinini bilong dispela nupela man olsem na lukaut bilong Mutan na brata bilong em i bihain kandre bilong tupela Gaspar Kupe husat i wanpela tisa bilong katolik ajensi skul long Chapasa.

Stori bilong dispela tupela pikinini em i samting bilong wari stret. Kandre bilong tupela em i wanpela tisa bilong katolik na ol stia skul bilong em long skul na insait long haus bilong em i olsem rula 'em i strict stret'. Em i tambuim tupela long i noken kam long mama bilong mi, maski em i bikpela sista bilong tupela, i tambu tru long tupela i go visitim ol wanfamili bilong tupela long Patu o long N'Jekal. Tupela i mas stap long ai bilong em tasol olgeta taim na mekim wok bilong karim ol pikinini bilong dispela man long solda bilong tupela, givim kaikai long ol maski ol i bikpela pinis, go long bus na paitim saksak, katim bus bilong planim kakau na kokonas, na bikos tupela pikinini ya i kamap long wanpela famili bilong painim abus, tupela i mas painim abus bilong famili bilong Gaspar olgeta taim. Sapos tupela i no mekim ol dispela samting, man, kandre bilong tupela i save paitim tupela yusim han, lek, diwai, teil bilong stingray na hat wara. Tupela mangi ya i save hap dai stret tasol bai tupela i ronowe i go long husat? Mama bilong tupela i no save sevim tupela, nogat, em i save sapotim brata bilong em long paitim tupela i hap dai stret, orait dispela tupela pikinini i joinim klab bilong "the neglected children".

Momis em wanpela pikinini meri. Em i gat wanpela sista, nem bilong em Moyou na wanpela brata ol i kolim Kauboi, ol i pikinini bilong tupela marit i lusim Chapasa na go long ples bilong man long N'Jekal. Tupela i lusim dispela tripela pikinini wantaim tupela narapela marit. Dispela tupela marit tu tupela i gat tupela pikinini meri ol i kolim Sokolo na Chinou Kalai. Dispela man Kalai em i wok olsem kapenta bilong misin na em i save

stap long Patu na larim meri bilong em wantaim tupela pikinini meri long ples Chapasa. Olgeta lain bilong Kalai long Kopanou em ol i mup pinis i go bek long Keloti na i nogat komyuniti sapot bilong meri bilong em long lukautim tupela pikinini meri bilong em. Meri tu i no sindaun long asples bilong em, nogat, em i sindaun long banis bilong brata bilong em husat i wanpela tisa na i stap long sampela hap bilong bikples Niugini long tis. Meri bilong Kalai (mama bilong Sokolo tupela Chinou) i painim hat long lukautim faivpela pikinini, tupela pikinini bilong em yet na tripela pikinini bilong tupela narapela marit i go pinis long N'Jekal. Planti taim ol dispela faivpela pikinini i save hangre na ol i save kam joinim grup bilong "the neglected children".

Etak em i wanpela liklik meri tingting bilong em i no klia tumas na olgeta pikinini i save mekim fani long em. Em i gat tupela bikpela sista tasol mama bilong ol i lapun tru na papa bilong ol em i man bilong kros na paitim ol pikinini. Em i bin Komiti bilong ples long dispela taim. Bikos mama bilong ol i lapun tru na papa bilong ol em i man bilong kros, ol tripela meri ya i save hangre planti taim. Sampela taim ol i save kam askim papa bilong mi long paitim saksak klostu tru long haus na papa i save larim ol i go het na paitim. Taim mi pikinini mi lukim ol dispela lain i tarangu stret. Sapos i gat gutpela maket na ol man bilong solwara i kisim gutpela pis i kam long maket, dispela lain i save abrus stret. Na bikos mama i lapun tru na olgeta yet i meri, ol i no save gat kaikai wantaim abus planti taim long laip bilong ol. Tupela sista i yangpela meri pinis na tupela i ken mekim gutpela disisen, tasol Etak em i hap sens olsem na em tu i kam joinim mipela ol tim bilong "the neglected children".

Chochou em i wanpela yangpela pikinini man na em i gat liklik sista Petei, krismas bilong Petei em i wankain olsem mi. Papa bilong tupela i dai taim tupela i liklik yet na mama bilong tupela i go maritim narapela man. Dispela tupela pikinini i gat wanpela bikpela sista i stap long skul long Patu na tupela liklik ya i save stap wantaim mama bilong tupela long ples. Nupela man bilong mama bilong tupela i gat wanpela pikinini man long marit bilong em pastaim na nau tupela man na meri i kam marit na bringim ol dispela tripela pikinini klostu long tupela, planti taim ol samting i no wok stret long laik bilog man na meri bilong em. Orait planti taim tupela pikinini bilong meri i save abrus na raunraun nating na painim famili bilong papa long kaikai na slip. Dispela tupela mangi i kamap memba bilong grup bilong "neglected children" na bihain tupela i pulim tu hap brata bilong tupela 'Malai' i kam joinim bikpela grup. Chochou wantaim sista bilong em Petei em ol man i yusim tupela olsem 'slave' i go inap tupela i kamap bikpela man na meri. Bai mi stori long ol kain kain panis-men dispela tupela pikinini na mitupela sista bilong mi i save kisim long han bilong ol lain i lukautim mipela long narapela seksen bilong dispela stori.

Igat planti moa ol narapela pikinini mi no kolim neim bilong ol nau tasol ol tu bai stap insait long stori bilong mi.

NEKS WIK: Mi na sista bilong mi Ludwina...

Wok bilong painim PNG nesenel antem i go yet

DISPELA wik yumi go het yet long kempen bilong mipela long kirapim wok painim bilong wanpela nesenel antem bilong PNG, na luksave long en na flek bilong yumi.

Dispela wik bai yumi lukluk tu long Nesenel Plets, o tok promis, we yumi save mekim na brukim kwik taim tru.

Las wik mipela i harim toktok bilong tupela taim memba bilong palamen na bipo minista na bisnisman Se Peter Barter. Em i tok olsem "O Arise all Ye Sons of This Land" we planti long yumi i save tok em i nesenel antem, em i no nesenel antem bilong kantri. Em i nesenel singsing tasol.

Mipela i ritim stori tu long Se Peter, husat i bin stap Siaman bilong Ivens Kaunsil, i bin hatwok tru long 2005 long painim wanpela nesenel antem tasol i no karim kaikai long wanem planti i bilip pinis long dispela mas singsing Inspekta Thomas Shcaklady i bin raitim.

Inspekta Shacklady na meri bilong em Dianne, husat i bin wok long NBC, i bin stap long Bomana long Pot Mosbi. Tom i bin benmasta bilong PNG Konstabulari Ben.

Em i bin bekim wanpela resis long painim wanpela nesenel singsing. Em nau em i raitim O Arise, na salim i go long Nesenel Song Kompetisen Komiti long stat bilong 1970s. Tom i winim dispela resis na ol i askim em na ben bilong em long rekodim dispela song bilong ol wantaim NBC. Em nau em i kisim luksave, na planti i ting olsem em i nesenel antem bilong kantri.

Tasol olsem mi tok las wik, na nau mi tok gen: 'O Arise' em i no nesenel antem bilong PNG. Yumi mas bihainim yet 'God Save The Queen', long wanem yumi yet yumi no kamapim wanpela bilong yumi. Em Se Peter Barter i save strong yet olsem yumi gat nesenel song, tasol yumi nogat nesenel antem.

Se Peter i kam stori wantaim mipela dispela wik na mipela i pulim kempen bilong yumi long traim painim wanpela nesenel antem bilong PNG.

Bipo, taim gavman i wok painim wanpela gupela singsing bilong makim kantri, ol i kirapim wanpela nesenel 'song' kompetisen, na i no 'antem' kompetisen. Na tu, i nogat wanpela polisi disisen i kamap long tok aut stret olsem 'O Arise' em i nesenel antem bilong kantri. Olsem na em i stap yet olsem nesenel song bilong kantri.

I bin i gat ol arapela gupela sabmisin i stap long dispela song resis moa long 34 krismas i go pinis, na tude yet yumi ken harim long indipendens. Ol singsing olsem 'PNG Our Mother Land', 'Red Black and Gold', 'This Is Our Flag', na ol arapela. Na i bin gat ol arapela singsing tu wantaim ol gupela nem na toktok i gat mining, olsem 'Papua New Guinea, 600 Islands' na 'Papua New Guinea Your Day Has Begun' we Moral Re-armament grup i singim.

Mi bin askim Se Peter Barter gen sapos em i senisim tingting o nogat.

"Nesenel Antem bilong PNG em i 'God Save the Queen', na song 'O Arise All Ye Sons' em i wanpela nesenel song, na i no



Peter i tok. "Mi traim long painim wanpela nesenel antem long namba 30 indipendens long wanpela kompetisen, tasol i nonap."

Mi save gut tru long tingting bilong Se Peter, na mi save hamas ol kaunsel memba i bin stap long dispela kibung i bin strong olsem PNG i gat nesenel antem pinis. Olsem na siaman i lusim dispela tingting bilong en, na i wanbel tasol long askim Barike long raitim na rekodim gen singsing bilong en 'Wan Kantri', wantaim ol nupela hap tok i go insait olsem Walking Together, Wokabaut Wantaim, Raka Hebou. Na kaunsel i bin peim Barike long olgeta kopirait fi, royalty na intaleksual propeti peimen long yusim singsing bilong ol na leit Glen Low na John Wong i bin wanbel tasol.

Mi na Se Peter i bin gat wankain tingting long planti samting taim mipela i bin sindaun long Nesenel Ivens Kaunsil. Wanpela em tingting bilong painim nesenel klos bilong PNG, dispela samting long nesenel song em i no nesenel antem, na narapela em sapos nesenel song bai karim yet tok 'sons' long en, o bai mipela i senisim i go long 'sons' na 'daughters' bilong Papua Niugini. Mi bin tromoi dispela askim i go long Se Peter, long sekim sapos em i ting ol meri bilong yumi mas stap insait long singsing tu o nogat.

"Yu tok stret, O Arise All Ye Sons i mas senis long karamapim tu ol meri," Se Peter i tok. "Ol arapela singsing yu kolim pinis bai kamap ol nesenel song bilong yumi, tasol i mas i gat wanpela nesenel antem long senisim God Save The Queen. Dispela antem bai inap bungim kantri long dispela taim we planti toktok bilong otonomi wok long kamap."

Em i skruim tok bilong nesenel antem i go long toktok we yumi mas gat ol rijinel sia i senis i go long ol sia bilong ol meri, na ol provinsel gavana o premia em ol pipel yet i mas votim ol, na mani bilong ol wod na distrik i mas go daun stret long ol bihainim strongpela provinsel plening sistem.

"Em i wanpela bikpela samting long nesenel antem i mas makim dispela kain luksave, olsem Bogenvil i gat otonomi, tasol i nogat ekonomi bilong strongim dispela otonomi. Ol lida bilong yumi mas mekim ol disisen we i strongim nem na wok pasin long PNG. Nem bilong PNG i ken kamap strong moa wantaim wanpela nesenel antem i ken kirapim bel bilong yumi long hatwok moa bilong kantri bilong yumi."

Se Peter i tok em i wankain long nesenel klos. Olgeta taim i bin gat resis long painim nesenel klos, i nogat wanpela i bin luk gut na i narakain tru tasol i soim stret PNG.

"Ol kain stail bilong meri blaus bilong ol meri na sulu bilong ol man na ol kala siot na sandel bilong man; olgeta i pundaun na ol

antem. Tasol planti manmeri i ting em i nesenel antem bilong yumi," Se

long han siot na jaket yet i wok long strong. Tasol i no narakain long Fiji. Mi lukim ol man na meri i werim flek, na em i naispela kala, tasol em i no dres smat," Se Peter i tok.

Tasol mi yet mi ting olsem mi bai gat ansa long dispela.

Taim mi bin wanpela brekfes so anaunsa long Redio 2/Kalang FM, stesin i save opim brodkas bilong en wantaim wanpela singsing we i ken kamap nesenel antem bilong yumi. Dispela song em ol i ken singim long inglis, tok pisin, na motu wantaim.

Olsem na yumi ken mekim dispela singsing na givim luksave long en, wankain olsem yumi bin givim long singsing Wan Kantri.

Maski nau na yumi yusim dispela song bilong Moral Re-armament, 'Papua Niugini, your day has begun, nations are watching the rise of your sun...Papua Niugini Dei bilong yu i kam, ol kantri i was long kamap bilong yu...'

Ol toktok bilong em i makim gut tru PNG na em i singsing bilong PNG stret. NBC i save pilaim yet dispela singsing, olsem na sapos yu gat sans, traim harim toktok na mining bilong em.

Nau, long narapela samting gen, em rispek o luksave yumi save givim long flek bilong yumi, na ol tok promis yumi save kolim taim yumi mekim Nesenel Pleds. Long dispela as, mi givim ol toktok gen bilong Nesenel Pleds.

*We the people of Papua
New Guinea
Pledge ourselves united in
One Nation
We pay homage to our
cultural heritage
The source of our strength
We pledge to build a democratic society based on
Justice, equality, respect and
prosperity for our people
We pledge to stand
together as
One People, One Nation
God Help Papua New
Guinea*

Long olgeta dispela ol tok promis yumi save mekim, hamas long ol em yumi save mekim na senisim gut kantri bilong yumi? We pledge ourselves united in one nation, na bihain yumi save go na opim rot bilong tok pait long otonomi bilong ol provins bilong yumi? We pay homage to our cultural heritage, the source of our strength, na bihain yumi bai mekim nating long ol long mekim isi mani. We pledge to build a demo-

cratic society based on Justice, equality, respect and prosperity for our people... tru tumas, olsem na hevi bilong lo na oda i bikpela tru long ol komyuniti bilong yumi? We pledge to stand together as one people, one nation... tasol yumi save toktok strong yet long wan wan ol rijen bilong yumi...olsem na bihain long 34 yia, God Help Papua New Guinea.

Yes, ol pren bilong mi. Yumi gat planti ol dispela samting long strongim bilip na pasin luksave long kantri bilong yumi, tasol yumi no save soim rispek long ol. Mi bilip olsem yumi nidim sampela ol lo olsem:

1. Long olgeta hap bilong kantri, olgeta man, meri na pikinini stat long ol pri skul i mas givim rispek long Flek bilong PNG na mekim strongim ol tok promis insait long Nesenel Pleds. Nogut nau em i leit pinis long skulim ol nupela na yangpela lain i stap nau, tasol bilong skulim ol lain i kam bihain. Wanpela poroman bilong mi bilong Filipins i tok, dispela kain samting i mas stat wantaim ol pri skul pikinini bai ol i ken rispektim nesenel song na nesenel flek. Long dispela taim, olgeta samting i mup i mas stop. Ol manmeri i wokabaut, ol kar i ron. Taim ol i pulim na apim flek, na ol i singim nesenel song o antem, na tokautim nesenel pleds, olgeta samting i mas stop.

Mi wanbel wantaim toktok bilong em. I mas i gat lo i stap bilong dispela.

2. I mas i gat lo we olgeta man, meri na pikinini i mas sanap atensen, rausim ol kep o het, putim han bilong yu antap long hat bilong yu o apim han na soim bikpela rispek tru long taim bilong singim nesenel song o antem, o tokautim Nesenel Pleds long taim bilong apim flek. Dispela i mas kamap olgeta taim. O tripela taim long olgeta de, laka? Em nau mi tok em i leit pinis long ol yangpela bilong nau, tasol wok strongim i mas stat wantaim ol pri skul sumtain na ol yangpela pikinini long praimer skul. I mas stap insait long lo bai dispela i kamap.

3. Kantri i mas painim na raitim wanpela nesenel antem bilong em yet we i ken singsing makim ol fridom bilong pipel, indipendens, na wokabaut i go het. Em bai soim tru wanpela bikpela luksave long fridom bilong yumi olgeta.

Nesenel song, antem, Flek na Nesenel Pleds, em ol i makim strongim kalsa na pasin tumbuna bilong yumi, ol bilas bilong yumi, na ol stori bilong yumi em ol mining long ol wanwan samting yumi PNG tasol i gat. Yumi mas soim olsem yumi pipel bilong PNG na yumi laikim em tumas.

Dirima komyuniti bai lukim senis long skul



KISIM TOK ORAIT: Ol kaunsila bilong Dirima (l-r) Peter Kori i sainim pepa taim Ennio Kale i lukluk. Muru Otto

BOMAI Rutz Kontrektas i opisel kontrekta bilong ol wok kamap long Dirima komyuniti long Gumine Distrik long Simbu Provsins.

Na wok bilong ol em long bihainim dispela tok promis Praim Minista Gren Sif Se Michael Somare i mekim long 2007 wok-abaut bilong em long Gumine.

Bikos long dispela Bomai Rutz Kontrekta bilong Mosbi nau i kamap opisel kontrekta long mekim ol wok long Dirima komyuniti.

Wantaim sapot faivpela kaunsila long Dirima na long menesmen bilong Santu Anna Praimeri Skul, Dirima kontrektas

nau bai kisim K60,000 long kamapim skul hol.

Mani bilong kamapim dispela hol em Praim Minista yet i go long Gumine long 4 Mas, 2007 na tok promis long em.

"Mipela i amamas long projek olsem nau bai kamap tru tru."

"Em bai helpim inap olsem 1,000 skul pikinini olgeta."

"Mi amamas olsem nau mipela bai gat project bilong mipela bihain tasol long helpim bilong Praim Minista," John Arre, siaman bilong skul i tok.

Em i tok tu olsem kamapim kain samting olsem i moa gutpela long komyuniti.

Stap na wok wantaim manmeri gat HIV

BISNIS Kolisen Agensim HIV na AIDS (BAHA), em i wampela praivet grup i go pas long praivet sekta, ol wokman bilong ol na famili bilong ol long pait agensim sik HIV na AIDS long dispela taim.

Wok bilong BAHA i kisim wantaim pasin bilong toktok long ol stori bilong HIV na AIDS na long rot bilong tokaut long dispela sik long ol nius samting olsem redio, niuspepa na televisen.

Ol i yusim ol dispela ol samting bilong nius i save helpim gut wok bilong tokaut long dispela sik.

Kain samting i save kirapim bel na tingting bilong ol manmeri long sindaun na paitim toktok long wanem samting ol bai mekim long abrusim dispela sik.

Wok bilong media i save kirapim bel bilong gavman, ol dona ejensi na narapela ol lain long

wanem samting ol bai mas mekim long stretim dispela ol hevi.

Long painim aut moa long strong bilong media long wanem samting i save kamap bikos long wok bilong nius, BAHA i mekim wok painim long tupela deli niuspepa long ripot bilong tupela long las tupela (2) yia ol i ripot long HIV na AIDS.

Nesenel Risets Institut (NRI) i givim K10,000 long BAHA long mekim dispela wok painim.

Na wantaim dispela, BAHA i bilip olsem dispela bai givim sans long pablik long ol i kamaut na mekim ol toktok long pait agensim HIV/AIDS.

Olgeta manmeri i kisim gutpela taim taim gutpela na stretpela toktok i kamap.

Long dispela mun BAHA i lukluk long tokaut moa long ol gutpela stori na wanem ol samting ol bai mekim.

BAHA i mekim wok painim long Pos-Kuria na Nesenel niuspepa long tupela yia (2005 i go inap long 2007) long ol ripot ol i mekim long HIV/AIDS.

Long dispela wok painim ol i painim olsem:

- TUPELA niuspepa i mekim bikpela namba bilong ol ripot;
- NAMEL long 2005 na 2007 tupela niuspepa i mekim inap olsem 1808 stori, editorial na pas long sik HIV na AIDS;
- LONG Papua Niugini pepa i wampela tasol i nius we i ken mekim planti manmeri i kisim gut toksave long HIV na AIDS;
- HAP bilong dispela namba bilong ol stori i kamap em ol ausait lain i raitim. I no ol ripota bilong Pos-Kuria o Nesenel niuspepa;
- LONG dispela ol

stori 87 pesen (%) i toktok long sik i stap long PNG na tri (3) pesen i toktok long sik i stap long Pasifik;

- 53 pesen stori i toktok long awenes na rot bilong abrusim HIV na AIDS na
- STORI bilong ol manmeri i kisim skul long pait egensim HIV na AIDS.

BAHA i tok HIV na AIDS yet i no save kilim manmeri.

Em i bagarapim tasol banis i save was long manmeri long narapela sik i no kamap na baragapim ol.

Taim dispela banis i bagarap, narapela sik i go insait isi na kilim manmeri i dai.

Long dispela as BAHA i tok stap bilong HIV na AIDS i sans bilong manmeri i kisim bagarap long sik Kolera na Sisentri nau i wok long kamap long kantri, moa long hap bilong Morobe Provsins.

Gavman mas tok klia long Kokopo BSA: TIPNG

TRENSPERENSI Intanesenel PNG (TIPNG) i gat wari long plen we gavman i laik yusim K60 milian wantaim ol papagraun long kamapim LNG (ges) projek.

Em i tok bipo long gavman i kamap wantaim ol tingting o plen bilong yusim dispela mani em i askim gavman long soim ripot bilong dispela mani bai pablik i ken save.

Em i tok dispela em mani i kam long ges projek we em na ol poroman bilong em i laik developim tasol mani i bilong ol pipel na olsem olgeta manmeri i mas save long rot dispela mani ol bai yusim.

Em i tok gavman i mas tokaut long ripot bilong BSA we gavman i kamapim long taim em i mekim tok promis long ol papagraun na kampani long Kokopo saining.

Dispela tok promis i bilong ol papagraun long mani projek bai kamap na long hamas mani em bai yusim long wan wan ol projek bilong ol asples lain.

"Ripot bilong dispela olgeta plen, tok promis

na mani we gavman i bin mekim i mas kamap ples klia bai olgeta manmeri bilong Papua Niugini i mas save.

"Ol pipel i mas save olsem bai nogat krangi tingting i kamap sapos mani lus nating long ol kain kain saveman i kamap na givim tingting bilong wanem samting i mas kamap long dispela projek o nogat," Opis bilong TIPNG i tok.

Ol i tok krai bilong ol manmeri long tok agensim sampela bilong dispela ol projek i soim klia olsem sampela samting i no stret.

Ol i kisim kot oda long pasim kamap bilong ol kibung long tok bilong laisens bes agrimen (LBA).

Em i askim gavman long plen na karim aut gut dispela plen.

"Dispela K60 milian i kam long we long fanim ol kibung bilong LBA?"

"Mipela i laik save inap long gavman i tok klia sapos dispela ol mani i stap insait long 2009 Mani Plen?"

"Dispela i narapela piksa bilong ol pasin

gavman i laik lusim tasol mani na baim ol manmeri bai ol i amamas na em i skruim paul pasin bilong em.

"I luk olsem gavman i no save tok tru taim em i mekim kain bisnis olsem long LNG projek," Siaman bilong TIPNG, Peter Aitsi i tok.

Em i laik save sapos gavman i lainim kain pasin i kamap long Bogenvil.

Em i tok i tru gavman i ken paulim ol manmeri long mani na pasim maus bilong ol tasol dispela em bilong hap taim tasol.

Bihain dispela i pinis ol bai mekim samting i bikpela moa long dispela askim ol i mekim long gavman.

Em i tok sapos gavman i mekim samting stret long stat bihain olgeta samting i ken ron gut.

Em i tok wanem samting dispela projek bai bringim i kam long kantri bai wankain long gutpela sindaun bilong ol papagraun.

Na long dispela as gavman i mas tok tru na tok klia long olgeta samting long stat bilong projek.

PNG PEST CONTROL

SPECIALIST IN ALL PEST CONTROL SERVICES

P.O. BOX 3016, BOROKO, N.C.D. PAPUA NEW GUINEA

Lets STOP the spread of Cholera!

Cockroaches, Ants and Rodents can spread the Cholera disease within your homes...

ONE GIANT STEP!

We'll Get rid of it!!

CALL US NOW!!

Ph: 323 0911

Fax: 323 0140

For a FREE Inspection!!

Other centres:

Lae - Ph: 472 7421 Fax: 472 7422	Rabaul - Ph: 982 8616 Fax: 982 8616
Madang - Ph: 852 1130 Fax: 852 1130	Kimbe - Ph: 983 4912 Fax: 983 4912
Alotau - Ph: 641 0774	Fax: 641 0774



KATIM ROP NA OPIM: Siaman bilong FPDA, Fabian Chow, wantaim Memba bilong Tambul, Benjamin Poponawa i katim rop long opim 24-pela nupela skrin haus bilong kamapim ol potato sids long Tambul. *Poto: James Kila*



SKRIN HAUS: Poto i soim sampela nupela ol skrin haus bilong groim ol nupela potato sid long Tambul.



I OLSEM: Wampela saintis bilong Nesanel Agrikalsa Risets Institiut (NARI) i givim toktok long ol nupela kru potato em i kamapim long Aiyura na bringim i go long Tambul. *Poto: James Kila*

FPDA wokim 24 nupela skrin-haus long kamapim potato sids long Tambul

James Kila i raitim

FRES PRODIUS Developmen Ejensi (FPDA) i soim strong bilong em long developmen bilong potato indastri long Papua Niugini taim em i wokim kamap 24 nupela skrin haus long developim ol nupela potato sid o kru.

Dispela nupela developmen bilong potato indastri em FPDA i kamapim insait long kol ples long Tambul insait long Westen Hailans provins na ol i bin opim i no long taim i go pinis long Nesanel Agrikalsa Risets Institiut (NARI) stesin long Tambul stresin, we i stap daunbilo tasol long namba tu bikipela maunten long PNG Maunten Giluwe.

Ol bikman bilong FPDA olsem siaman bilong kampani Fabian Chow, Jeneral Menesa Greg Liripu wantaim Koporet Menesa Mewie Launa i bin kisim dispela seremoni i go stret long Tambul wantaim ol niuslain tu long lukim dispela bikipela wok developmen i kamap long hap.

Memba bilong Tambul Nebilyer, Benjamin Poponawa wantaim Mista Chow i bin bungim han wantaim long opim dua bilong dispela ol nupela skrin haus long Tambul.

Dispela ol sid ol bai kamapim na redim gut tru long Tambul em ol i developim long tisiu kalsa lebrotori o wampela kol rum long Aiyura long Isten Hailans provins. Na bihain ol i kisim ol liklik kru potato ol i kolim plantlets i go long Tambul long mekim i go gut na bihain ol i go bikipela liklik olsem ol sidling orait ol i save kisim i go planim long gaden long kamapim ol gut-pela sid.

Mani long wokim kamap dispela 24 nupela skrin haus we i gat kwarentin long en, i kam long Gavman bilong PNG wantaim sapot tu pastaim i kam long Gavman bilong Nu Silan na Australia.

Jeneral Menesa bilong FPDA, Mista Liripu, wantaim Siaman bilong FPDA, Mista Chow, i givim bikipela tok amamas i go long PNG gavman, Gavman bilong Nu Silan na Australia long sapotim wok bilong potato insait long PNG.

Mista Chow long toktok bilong em, i tokaut olsem ol i bin go insait long bikipela hatwok tru long kamapim dispela wok wantaim planti hatwok na tuhat.

Em i givim bikipela tok tenkyu i go long bipo Nu Silan Hai Komisina, Laurie Lawrence, husat i helpim long bringim ol potato sid i kam long Nu Silan long helpim long kamapim ol nupela plantlets o kru sid long Aiyura.

Dispela ol sid we i kam long kontena long Nu Silan em bihain long bikipela bagarap tru i bin kamap long yia 2003 we sik ol i kolim long Poteto Leit Blait i bin bagarapim na kilim indai potato prodaksin long planti ol ples insait long kantri na bagarapim tru prodaksin.

Em i tok olsem long dispela taim FPDA i wok hat tru wantaim dispela sapot i kam long Nesanel Agrikalsa Risets Institiut (NARI) long developim ol potato plantlets long leboratori long Aiyura.

"Mipela i kam longwe tru na i gat moa wok yet long mekim long strongim dispela potato indastri i go strong long kantri," Mista Chow i tok.

Em i tokaut tu olsem ol pasin.

bilong planim ol potato long graun i no wankain olsem bipo. Long bipo yu ken planim tasol long graun na i no yusim planti marasin. Tasol bihain long bikipela sik Poteto Leit Blait i kamap o gat nau skul long mekim namel long ol fama long kisim gutpela save long

James Kila i raitim

SAPOS yu nupela man o meri husat i laik go raun insait long baim ol fres gaden kaikai long Maun Hagen Maket long Westen Hailans provins, ating bai yu pret na belhat tu wantaim.

Long fran bilong dispela maket sampela ol yangpela liklik mangi i save stap na mekim wampela kain wok long somapim ol maket beg ol manmeri i save yusim long go insait long maket na baim kaikai.

Dispela ol liklik mangi bai kam holim holim han bilong yu na askim olsem ol i laik karim beg bilong yu na raun wantaim yu taim yu raun baim kaikai long maket.

Ol bai bihainim yu olsem blu langa stret stat long geit bilong maket i go olgeta insait long maket na sanap sanap long sait taim yu mekim maket bilong yu. Ol bai toktok yet sapos yu no harim olsem "Plis bosman mi laik karim beg bilong yu na yu maket".

Dispela wok ol i mekim em yu bai peim ol bihain sapos ol i karim ol beg we i gat ol maket kaikai long en.

Bihain long maket ol dispela liklik mangi bai helpim yu karim ol kaikai i go autsait long geit na ol yet bai somapim beg

groim ol potato bilong ol long gaden long kisim gutpela kaikai long salim na kisim mani.

"Mipela nau i mas lain na kisim gutpela skul long mekim wok long potato long helpim mipela yet na potato indastri bilong mipela i ken stap strong long dispela taim,"

bilong yu. Ol i gat ol string bilong somap na nidol tu ol i save karim raun na mekim dispela liklik bisnis bilong ol long kisim mani.

Wantok Niuspepa i bin bungim dispela ol liklik mangi insait long wampela raun bilong en i go long Westen Hailans provins las tupela wik i go pinis.

Sampela ol dispela liklik mangi i stori wantaim Wantok olsem ol i no save go long skul na dispela em wampela rot we ol i save kisim mani

Mista Chow i tok.

Mista Chow i tok ol wok strong yet wantaim NARI long sait bilong wokim wok painimaut o risets na long sait bilong ekstensen FPDA bai go het yet long bringim ol skul na edukesen na gutpela save i go long ol smolhoda fama long kantri.

SOMAPIM GUT: Tupela liklik mangi bilong Tari i somapim maket beg bilong wampela kastoma bilong Mosbi siti. *Poto:James Kila*


kapis, brokoli, kauliflaua na ol narapela samting i daunbilo tru. Olsem na planti ol lain bilong narapela ples olsem Mosbi husat i raun i go long dispela ples i save laik baim ol beg fres gaden kaikai. Olsem na ol dispela liklik mangi i save pinis long dispela na ol i save wet tasol i stap long somapim beg bilong ol dispela lain bilong narapela ples bikos kaikai i ken stap gut na ol i ken karim long balus na go bek long ples bilong ol.

Somapim maket beg - Hagen stail

SOMAPIM GUT: Tupela liklik mangi bilong Tari i somapim maket beg bilong wampela kastoma bilong Mosbi siti. *Poto:James Kila*



bemobile
PAINIM BAL RESIS!



Putim mak (X) long
wanem hap yu ting bal i
stap long en na salim i
kam long:

**Bemobile
PAINIM BAL RESIS
WANTOK NIUSPEPA
P.O. Box 1982 Boroko,
NCD
Port Moresby.**

Bai yu gat sans long winim **sampela gupela prais** i kam long Bemo-bile na **K100** i kam long Wantok Niuspepa long warwan mun.

Lo bilong resis:
 OI wokmanmeri bilong Wantok Niuspepa
 no inap pilai long dispela resis. Wantok
 Niuspepa tasol bai i makim wina. Nogat
 potokopi.
 Taim bilong dro em bihain long foapela
 wik bai ol i droim wina na nupela pilai bai
 i stat gen. Nem bilong wina bai kamaut
 long pepa neks wik bihain long dro.

**emobile WANTOK**

em:.....Krismas.....

res:.....

phone namba:.....

baim pepa long we?

Kaikai bilong spots

Andrew Molen i raitim

YU ken trening hat na lainim olgeta kain stail na save bilong pilai tasol spots tren- ing em ino pinis long hap.

Wanpela bikpela samting insait long trening bilong stap strong insait long spots em kaikai.

Olgeta gutpela dokta, trena na kosa bai tokim yu olsem ol spotsmanmeri mas kaikai gutpela kaikai na dring planti wara long strongim bodi bilong ol.

Dispela em bilong wanem, sapos yu no kaikai gut na dring planti wara bai yu nogat inap strong long tingting gut na pilai gut.

Bai yu no inap tu long soim ol dispela save na stail yu lainim long trening.

"Ol etlit husat i laik gat gutpela sans long win i mas kisim ol gutpela kaikai long helpim ol.

"Taim yu dring inap wara na kaikai gutpela kaikai, em bai givim yu inap strong na

pawa long pilai gut tru," ol saveman bilong kaikai bilong spots long www.orthoinfo.org i tok.

Ol i tok, sapos yu kaikai gutpela kaikai bihainim tren- ing na spot bilong yu, em bai helpim yu long kisim wanem kain mak yu laikim long dis- pela spot.

Em i ken mekim yu spit moa, strong na bai yu ken trening o pilai long taim na bai yu no inap tait hariap.

Papua Niugini sempion bodi bilda, Lucas Wemin, husat i holim taitol olsem Mista PNG, i tok gutpela kaikai ken strongim yu long pilai na tu lukautim bodi bilong yu.

Ol spotsmanmeri save kisim kain kain bagarap long bodi bilong ol taim ol i tren- ing o pilai tasol marasin wantaim gutpela kaikai na wara i ken helpim yu long orait hariap.

"Gutpela kaikai ken pasim kain kain sik nogut long yu bai yu ken stap yangpela

long taim na pilai moa yet," Wemin i tok.

Kain spot olsem bodi bild- ing, boksing na ragbi e mol pilai we kaikai em i bikpela samting tru.

Ol bodi bilda i mas i gat inap wara na kaikai insait long bodi bilong ol long helpim masol bilong ol i gro gut na kamap strong.

Ol boksa na paitman i mas kaikai gut long apim o daunim hevi bilong bodi bilong ol tasol long wankain taim holim pasim strong bilong bodi long pilai yet na noken sotwin o tait hariap.

Long ragbi lig na yunion, kaikai na wara em i bikpela samting bilong wanem ol i save bam, pundaun na kirap, kalap na ron olsem na ol i mas kisim planti wara na gutpela kaikai long strongim ol bipo na bihain long gem wantaim.

"Wara em i bikpela samt- ing bilong wanem em i stap insait long olgeta wok bilong bodi.

"Bodi bilong yu ino inap long holim wara i stap olsem na yu mas putim nupela i go insait long kisim ples bilong wara we i lus long pispis na tuhat bilong yu," ol saveman long orthoinfo.aaos.org i tok.

Narapela websait, www.sportsmedicine.about.com i mekim wankain toktok long ol kaikai, wara na spots.

Olgeta kaikai gat kain kain marasin i stap insait long ol we i ken helpim bodi bilong yu i kamap long rot yu laikim long en.

Dispela ol kaikai gat nem olsem kabohaidret (carbo- hydrates), protin (protein) na fet (fats).

Kabohaidret em ol kaikai we i save givim yu strong long pilai o wok olsem rais, kaukau, banana, bret ol prut na kumu.

Protin em ol kaikai we i save helpim bodi bilong yu long gro. Sapos wanpela masol i bruk o i bagarap, dispela kain ol kaikai bai



helpim bodi bilong yu long stretim em yet.

Ol kaikai gat protin em ol mit na abus olsem pis, kakarukm bin, kiau na ol arapela olsem.

Fet em i save helpim sam- pela wok insait long bodi tasol sapos yu kaikai planti tumas bai yu ken bungim ol sik olsem sik bilong lewa, bikpela sua o kensa na ol arapela.

Fet i save stap insait long ol kaikai we i kam long ol animel olsem kiau, susu, ol mit na gris.

Wemin i tok, ol bodi bilda i save kaikai planti protin long kamapim planti moa masol

long bodi bilong ol.

Wankain wok lukaut i save kamap long wanwan spot.

Tasol Wemin i tok tu olsem prais bilong baim ol dispela kaikai em i antap tru na ol etlit i save painim hat tu.

Luksave long wanem kaikai yu laikim bai yu noken tromoi planti mani tumas.

Long save moa, toktok wantaim spots dokta, trena o kosa bilong yu.

Lukautim bodi bilong yu wantaim gutpela kaikai na wara na em bai lukautim yu long trening na pilai bilong yu.

Now **Palmolive** makes
you beautiful
on the inside too

Live Life!

Port Moresby
Cancer
Relief Society Inc.

PAPUA NEW GUINEA
BREAST CANCER FOUNDATION



Palmolive will **donate 10 toea** to the Papua New Guinea Breast Cancer Foundation for **every** Palmolive personal care product sold in October.



SUSU KENSAR
Na Gutpela Sindaun Bihain
Long 6-Pela Krismas

Laip Stori bilong by Joyce Madu

Dispela yia, 2009 em namba 6 yia bilong mi bihain long dokta i painimaut sik kensa long susu bilong mi. Laip bilong mi wantaim sik kensa long susu em wanpela hatpela laip tru, wantaim salens na poret bikos mi no save long wokabaut long laip bilong mi.

Stap wantaim gutpela amamas long laip em samting we planti ol meri i save laikim, na mi no save olsem wanpela de mi bai wanpela bilong ol meri i gat dispela sik nogut ol i kolim susu kensa. Mi ken tok olsem em wanpela trupela mirakol taim man bilong mi i askim mi long kisim tripela pikinini man bilong mi igo long Australia long kisim edukesin.

Taim mi stap long Australia dispela wok stretim kensa long susu i bin kamap na mi bin gat sans long kisim marasin. Wok long stretim kensa long susu bilong mi em long sait bilong mastektomi na kemoterapi rediesin.

Wantaim gutpela sapot i kam long femili bilong mi na ol gutpela Dokta mi bin kisim gutpela helpim. Na tu gutpela sapot i bin kam long wanpela kensa grup husat i helpim mi long gat gutpela tingting na stap strong. Dispela i bringim mi kam bek gen long gutpela laip em klostu tru mi bin lusim.

Kensa long susu i bin senisim laip bilong mi bikpela tru na tude mi save lukluk long laip long narapela sait bilong koin. Mi tenkyu long olgeta gutpela toktok na sapot planti ol pipel i givim mi long kamap inap nau olsem piksa long ol narapela meri. Mi pilim tru nau na mi gat strong long wokabaut strong igo yet long soim ol narapela meri long givim edvais long ol long stap long gutpela laip.

Bel bilong mi long ol meri i mekim kisim wok olsem voluntia na dispela i opim ai bilong mi long lukim olsem em i gutpela tru long bungim ol narapela meri husat i gat wankain hevi o sik na husat i gat strong long lukim laip wantaim gutpela mining na wok long en. Dispela voluntia wok em mi bin wokim insait long las 5-pela yia i bungim planti ol meri wantaim tasol i gat moa wok yet long goaut. Helpim na skulim ol meri long wanem ol rot long lukautim susu kensa taim em i liklik yet i ken givim gutpela sans long kisim helpim.

Oktoba em Intanesinol Susu Kensa Aweanes Mun na ol aweanes i kamap long planti hap insait long wol. Mi givim luksave long yupela ol mama na susa bilong dispela bikpela kantri bilong yumi PNG, insait long wanem kain wok o laip i stap long en **Save gut long Susu na save long chekim Susu bilong yu yet long dispela mun. Tingim gut olsem Luksave Pastaim em Ki long Kisim Marasin na Mekim Laip bilong Yu Stap Long Taim.**

STAP WANTAIM GUTPELA TINGTING, STAP STRET NA STAP LAIP

Las sans bilong Lahanis

Andrew Molen i raitim

DISPELA Sande em laspela sans bilong Bintangor Lahanis long go insait long bemobile kap gren fainol.

Ol bai bungim Toyota Mioks bilong Wabag husat ol i rausim Masta Mak City Rangers 28-24 long Lae las wik Sande.

Gem bilong Mioks na Rangers tu i go insait long ekstra taim tasol ol Mioks i bin inap long putim moa pouns insait long dispela taim.

Lahanis i bin kam klostu long go insait long gren fainol tasol ol i pundaun sot long wanpela poin taim Agmark Gurias i winim ol 25-24 long ekstra taim las wik Sande long Mosbi.

Ol fowet olsem Sigfred Gande, Glen Nami na kepten Nigel Hukula i kamapim strongpela gem long mekim spes bilong ol beklain bilong ol i ron.

Tasol banis bilong ol Gurias i bin strong long las 10-pela minit bilong gem we i pasim gut ol Lahanis las wik.

I gat wari olsem Nami na Gande bai no inap stap insait long dispela gem long Sande bilong wanem ol i stap long skwat bilong PNG Residents tim agen-sim PNG Internationals



RON: Gande em wanpela strongpela fowet bilong Lahanis. POTO: Andrew Molen.

dispela Sarere long Hagen.

Mai Tom na Kerry Topako bilong Mioks tu i stap long dispela skwat na i gat bikpela sans olsem dispela ol pilaia bai no inap stap insait long klap gem bilong ol long Sande.

Dion Aize, Rodney Pora, Larsen Marabe na George Moni bilong Gurias tu i stap long dispela skwat tasol ol i gat wanpela wik long malolo wik long malolo bipo ol i pilai gen olsem na ol i nogat bikpela hevi tumas.

Lahanis i bin kamap long wankain ples long 2008 insait long SP kap tasol i bin lus long Bintangor Eagles.

Nau bai ol i traim gen long abrusim dispela mak na go insait tru long fainol.

Laspela taim ol i go long gren fainol em long 2006 agensim Mabey and Johnson Muruks we Gurias i bin win.

Nogat samting bai stopim Marabe

Andrew Molen i raitim

NOGAT wanpela samting bai stopim Agmark Gurias senta, Larsen Marabe long pilai insait long 2009 bemobile kap gren fainol.

Ol i bin karim Marabe i go outsait long fil long ekstra taim bilong gem bilong ol las wik Sande wantaim Bintangor Lahanis.

Wanpela Lahanis pilaia i putim skru long sait banis bilong Marabe taim ol i takolim Marabe na em i no bin kirap long pilai gen.

Ol i karim em i go autsait tasol em i no luk bagarap tumas.

PNG Kumuls dokta, Mathew Natuch i sekim Marabe long Mande dispela wik tasol i nogat tok kliia sapos em bai orait long pilai.

"Mi no wari long pen, mi bai pilim pen wantaim na pilai.

"Mi karim tim i kam long stat bilong sisen yet na mi no inap lusim ol nau," em i tok bihain long gem las wik.

Marabe i stap insait long PNG Residents skwat we bai pilaim PNG



PEN: Marabe i tok pen bai no inap stopim em long pilai long gren fainol. POTO: Andrew Molen.

Internationals sait long Hagen dispela wik Sarere.

Residents kosa, Mark Mom tu i no bin kliia sapos Marabe bai redi taim Wantok i askim em.

Tasol Marabe i bin luk orait taim Wantok i bungim em long Weigh Inn hotel wantaim ol arapela Kumul pilaia na tingting bilong em i wankain yet long pilai.

Gurias bai gat wanpela wik long malolo bipo ol i go insait long gren fainol long Oktoba 18 long Mosbi.

Toyota Mioks na Lahanis bai pilai dispela Sande long lukim husat bai bungim Gurias long fainol.



AMAMAS: Ol sumatin bilong St Francis Paimereri skul Koki long Pot Mosbi i amamas taim skul bilong ol i winim prais mani inap long K25,000. Em bihain long wanpela sumatin bilong ol, Florence Metta i winim prais long disain bilong nupela trofi bilong bemobile kap ragbi lig kompetisen. Poto: Andrew Molen

Sumatin kamapim bemobile kap trofi

Andrew Molen i raitim

NUPELA trofi bilong PNG NRL resis, bemobile kap, bai redi long gren fainol long Oktoba 18 dispela yia.

Na dispela meri husat i droim piksa bilong dispela trofi we ol bai mekim kamap tru em Florence Metta, 13 krismas bilong St Francis praimereri skul long Mosbi.

Siaman bilong bemobile, Anthony Smare, i bin kamapim wanpela resis bilong olgeta sumatin long Papua Niugini long kamapim nupela trofi bilong bemobile kap resis na Metta i win.

Smare wantaim ol arapela bikman na wokmanmeri bilong bemobile i go long skul bilong Metta long Trinde dispela wik long givim toksave na tu prais bilong ol.

Em i kisim K10, 000 prais mani na skul bilong em i kisim K25, 000 long win bilong Metta.

Metta em bilong Galp provins na Nu Kaledonia (New Caledonia) na i mekim gred 6 long St Francis praimereri skul.

"Mi no tingting long win tu, mi traim tasol na nau mi amamas

long dispela win," em i tok.

Hetmasta bilong skul, Anthony Newton i tok bikpela amamas long Metta na bemobile.

"Mipela i gat sampela hevi baim bilong wara bilong skul na nau dispela bai helpim mipela gut tru," em i tok.

"Dispela win em i olsem blesing bilong dispela skul na mi amamas tru long Florence (Metta) long mekim tingting long go insait long dispela resis," Newton i tok.

Em i tok ol i no tingting dispela kain samting bai kamap long ol.

Tasol dispela ino namba wan taim bilong Florence long winim wanpela kain resis olsem.

Tisa bilong em i tok Metta i bin winim wanpela intanesenel resis olsem pinis we European Union (EU) i bin ronim.

Metta i tok em i wanpela bikpela sapota bilong PNG Kumuls na namba wan tim bilong em insait long bemobile kap em CIVPAC NCDC Vipers.

Na fevret tim bilong em long NRL resis long Australia em Wests Tigers.

Metta i tok em i laik kamap wanpela atis taim em i go bikpela na pinis skul.



WIN: Smare (givim baksait) i bungim Metta long skul long givim prais bi-long em. Poto: Andrew Molen.

Bai bungim Moiks o Lahanis

■ ikam long pes 32

"I gat sampela ol samting insait long gem bilong mipela we i no stret tumas olsem na mipela bai go bek long stretim dispela long trening," Marum i tok.

Em i no bin amamas tu long wok bilong refri, Guma Opi long dispela gem.

"Em i givim planti ol penalti nating nating we i no bin sapos long kamap.

"Dispela i kilim gem na klostu i mekim

mipela i lus," Marum i tok.

Ol Gurias i putim tripela trai long namba wan hap bilong gem na i putim wanpela tasol long namba tu hap bilong gem.

Ol Lahanis i putim tupela trai long namba wan hap bilong gem na narapela tupela long namba tu hap bilong gem.

Ronnie Matalau i kikim tupela kik bilong Gurias i go insait na tupela i go outsait na Glen Nami kikim tripela bilong Lahanis i go insait na i abrus long wanpela tasol.

Tasol Matalau i kisim 4-pela moa poin bilong Gurias wantaim tupela penolti kik na Nami kisim wanpela penolti kik tasol bilong Lahanis long fultaim stret long putim skoa 24-24.

Dion Aize i kikim wanpela fil gol bilong Gurias long namba wan hap bilong ekstra taim long go pas 25-24 na ol i holim banis long hap inap ful taim.

Lahanis i paia strong yet tasol i no bin inap long brukim lain bilong ol Gurias na skoa.

Yere bai pilai long Residents sait

Andrew Molen
i raitim

MENZIE Yere husat i stap pilai nau long Inglen (England) wantaim Sheffield Eagles, bai pilai wantaim PNG Residents tim long PNG Orijin salens dispela Sarere long Hagen.

Yere i stap na pilai long ovasis nau tasol em bai no inap pilai insait long PNG Internationals tim.

Dispela em bilong wanem em i bin pilai namba wan gem bilong em long dispela salens wantaim ol Residents, olsem na em bai no inap kalap i go long International tim maski em i stap na pilai long ovasis nau.

“OI lo bilong dispela gem i tok, sapos yu pilai namba wan gem bilong yu pinis wantaim wanpela tim, em bai yu stap wantaim dispela tim tasol,” Kosa bilong Internationals, Jim Wilson i tok.

Nem bilong Yere, Charlie Wabo na Michael Mark husat ol tu i pilai long Inglen, i stap insait long Residents skwat long pilai, tasol Yere na Wabo tasol bai kam.

“Long dispela as Ham Tee bai kisim ples bilong Michael (Mark),” Residents Kosa, Mark Mom i tok.

Sampela ol pilaia olsem Neville Costigan, Paul Aiton, Nixon Kolo, Nico Slain, Nigel



STAP: Gupela fom bilong Yere dispela yia bai strongim Residents tim dispela Sarere. WANTOK POTO.

Hukula, Makali Aizue na Charles Onguglo husat ol i pilai las yia, i no stap long skwat dispela yia.

“Planti no pilai gut dispela yia, sampela i gat arapela wok na sampela i kisim bagarap,” Kumuls Het Kosa, Adrian Lam i tok.

Em i tok tu olsem em i gat tingting long husat ol pilaia em i laikim insait long nesenel tim dispela yia bilong Pasifik kap, tasol em i laik ol i mas pilai strong long dispela gem long strongim gut sileksen.

Lam i tok em i amamas long pilai bilong Yere dispela yia long Inglen na i bilip em bai strongim

Residents tim dispela Sarere.

“Em i gat gupela sisen tru na i stap long gupela fom long hap,” Lam i tok.

Dispela i lukim tu ol i makim Yere long kisim awod bilong nambawan pilaia bilong dispela yia long Inglen.

Dispela em namba tri yia bilong dispela salens na ol Internationals i winim tupela gem pinis.

“Residents tim i no winim wanpela yet olsem na mi laikim ol i mas strong na traim winim dispela long mekim resis i strong moa,” em i tok.

Lam, Mom na Wilson i kamap

long Weigh Inn hotel long Mosbi dispela wik Mande we ol i tokaut long skwat bilong tupela tim wantaim.

Save long ol Tim

PNG Residents skwat em: Emmanuel Uki, Ham Tee (Rangers), Anton Kui (Muruks), Menzie Yere (England), Elizah Riyong (Vipers), Dion Aize (Gurias), Mai Tom (Mioks), Rodney Pora (Gurias), Charlie Wabo (England), Charlie Topako (Mioks), Glen Nami, Sigfred Gande (Lahanis), Larsen Marabe, George Moni (Gurias), Simon Young (Rangers), Jessie Joe (Muruks), Benjamin John, Francis Ray (Rangers), Benny Pamunda (Eagles) na Kevin Frank (Vipers).

PNG Internationals skwad em:

David Mead (Titans), Ryan Tongia (Souths Logan), Andrew Rickertt (Brisbane), James Bond (Norths), John Wilshere (Salford), Keith Peters (Penrith), Tu'u Maori (Roosters), Jason Chan (Crusaders-UK), Jay Aston (Norths), James Nightingale (Reddcliff), Tyson Martin (Cowboys), Merv O'Flanagan (Souths), Rod Griffin, Anthony Cheng (Cairns – N/Pride), Jack Cooper (Cowboys), Tom Butterfield (Reddcliffe) na Kevin Prior (Windsor).

SPOT RAUN

WANTAIM

Scott Vavine, ML



Amamas na wet tasol long lukim 2015 Pasifik Gems

KANTRI bilong yumi wokhat na i mekim gut long winim tok orait long holim 2015 Pasifik Gems, em bai namba tri taim bilong PNG long holim dispela ol pilai.

Helpim bilong gavman i mekim na yumi olgeta i ken amamas long wetim 2015.

Mi laik tok amamas tu long PNG Spots Fed-eresen na Olimpik Komiti (PNG Sports Federation and Olympic Committee), PNGSFOC, long go pas long mekim dispela i kamap.

Amamas bilong mi go tu long ol dispela lain husat i givim han long mekim dispela i kamap.

Mi save olsem planti samting bai no inap kamap gut sapos dispela ol lain i no givim helpim bilong ol.

Mi save olsem gavman bai stap baksait long ogenaising komiti long redim olgeta samting bilong dispela bikpela bipo long gem i kamap.

Dispela ol samting we i mas redi em ol bikpela samting olsem ol pilai graun, gol pos, ples bilong sindaun na ol arapela samting olsem bilong dispela ol gem.

Mi gat bilip olsem gavman na planti ol bikpela sponsa bai givim bikpela mani long mekim dispela ol i kamap.

Em i gupela long dispela ol samting i ken kamap na stap redi tasol narapela askim em, husat bai lukautim gut dispela ol samting taim ol i mekim kamap pinis?

Dispela em wanpela samting we PNGSFOC na PNG Spots Faundesen (PNG Sports Foundation) bai lukluk long en.

Tasol nau yet, yumi no inap wari long dispela ol hevi yet, wanpela samting yumi ken tingting long en em long lukim sapos PNG nap long kamapim wankain bikpela na gupela Pasifik gems pilai olsem em i mekim long 1991.

Mi save yet olsem gavman bai putim mani long kamapim ol dispela bikpela pilai graun long mekim dispela i kamap gen.

Bikpela salens bilong kantri em long traim na winim resis olsem long 1991.

Bipo ol i save kolim dispela gem; Saut Pasifik Gems we i stat long 1963 tasol PNG i no save kamap nambawan inap long 1991 taim gem i kam long hia.

Na bihain long 1991 inap nau, mak bilong PNG i go daun gen.


Yumi ken soim ol arapela kantri olsem yumi nap long mekim ol bikpela gupela pilai graun tasol yumi mas soim ol tu olsem yumi nap long kamapim ol gupela na strongpela spotsmanmeri.

Bikpela amamas na tingting bilong kantri mas stap long winim planti moa gol medol long ol arapela kantri.

Mi bilip olsem komiti go pas long dispela gems bai lukluk long dispela hevi long mekim ol spotsmanmeri bilong yumi nap long bungim salens bilong wol.

PNG Gems i stap pinis na nau olsem na yumi no inap hatwok long painim ol gupela nupela spotsmanmeri long trenim na redim long dispela Pasifik gems.

Hap taim



MALOLO: Justus Ohule (lephan) bilong Waigani polis em wanpela bilong ol polis husat i lukautim ples las wik Sande taim Australia PM's 13 na PNG Kumuls i bin pilai. Ohule i sindaun malolo long hap taim klostu long trai lain. Ol polis i save wokhat long lukautim ples na sampela taim ol i save laik malolo na kisim win bipo ol i kirap na wok gen. Fevret pilaia bilong Ohule long Australia tim em Michael Jennings na em i amamas long lukim Jennings i kam pilai long PNG. - POTO: Andrew Molen.

Marum no amamas long refri

Andrew Molen
i raitim

KOSA bilong Agmark Gurias, Michael Marum i bilip refri Guma Opi i bagarapim semi fainol gem bilong ol wantaim Bintangor Lahanis long Mosbi las wik Sande.

I gat sampela ol penalti we Opi givim long tupela tim wantaim em planti manmeri no save gut long en.

Wanpela bilong dispela em klostu long ful taim we skoa i sanap, Gurias 24 na Lahanis 22.

Senta bilong Gurias, Larsen Marabe i ron i go antap na givim wanpela strongpela solda sas long stopim pilaia bilong Lahanis na long wankain taim em i holim em na rausim bal long em.

Tasol refri Marabe i mekim asua long dispela na i givim penalti long Lahanis, husat i kisim tupela poin long penalti kik na dro 24-24 na putim gem i go insait long ekstra taim.

Namba wan refri bilong PNG, Tony Kuni husat i lukautim ol intasen long sait lain tu i paul long dispela penalti Opi givim.

Em i no klia tu long planti ol arapela penalti Opi givim insait long gem tasol i bilip Opi stap long gupela ples long lukim gut ol dispela asua insait long gem.

“Refri bagarapim gem bilong mipela,” Marum i tok. “Mipela i ting olsem wok bilong ol refri hia long Mosbi bai gupela moa long ol refri bilong ol arapela senta, tasol nau i luk olsem olgeta i wankain tasol.”

Ol toktok bilong ol komenteta bilong Kundu 2, Mark Sapias na Martin Liri soim tu olsem ol tu i paul long ol samting Opi mekim.

Ol i pilaim dispela gem long TV planti taim tasol i no painim wanpela samting i krangi long planti ol penalti Opi givim.

Tasol i nogat video refri stap na kain hevi bai kamap yet long ol gem long PNG.

Marum i amamas tasol olsem ol i winim dispela gem na nau bai ol i redi gut tasol long bikpela gem long Oktoba 18 long Mosbi.

Ol bai bungim tim i win namel long gem bilong Toyota Mioks na Lahanis dispela Sande.



Gurias insait

AMAMAS: Rodney Pora (lephan) na Larsen Marabe i soim amamas bilong ol bihain long Ronnie Matalau i kikim fil gol long winim Lahanis 25-24 long kisim namba wan ples insait long 2009 bemobile kap gren fainol.



Bai bungim Mioks o Lahanis

Andrew Molen i raitim

WANPELA poin tasol i kisim Agmark Gurias i go insait pas long 2009 bemobile kap gren fainol.

Ol i winim Bintangor Lahanis 25-24 long ekstra taim long Mosbi insait long wanpela strongpela gem we planti tok-

tok tu i wok long sut i go long wok bilong refri.

Lahanis bai gat wanpela moa sans dispela Sande agensim Toyota Mioks.

Mioks i stopim Masta Mak City Rangers 28-24 insait long ekstra taim tu.

Husat i win namel insait long gem namel long Lahanis na Mioks bai go

antap long bungim Gurias long Mosbi long Oktoba 18.

Kosa bilong Gurias, Michael Marum i tok em i amamas long pilai bilong tim bilong em tasol i gat sampela samting we ol i mas stretim bipo long gren fainol.

- Moa long pes 30

POTO: ANDREW MOLEN.

INSAIT

Kaikai bilong ol spots manmeri

PES 29

Gred 6 sumatin mekim nupela bemobile kap trofi

PES 30



Yere bai pilai long Residents sait.

PES 31



Johnston's Pharmacies



For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.



**P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."**